

3480.3
2514

律
震
雅
親
錄

BERKELEY
LIBRARY
UNIVERSITY OF
CALIFORNIA

夫書冊精旺之初眼昏之前看與
讀為第一而年若遲暮則自精力
不從心讀必精微者必眼迷矣然
而自來亦未能他藝云者恒多冗聊
延七余年可人自三之雖或視書掩
特乎涉寂幽居之中雖或視書掩
卷輒忘略無所得間或斷章取義
素昧文法初見奇喜曰知文字重逢
尤覺故截其頭尾只取奇話秩成一
篇名曰聽觀錄倘或未知為消遣
之一助否耶

歲在壬章執徐小春下澣絳霞病瘳自序

絳霞聽觀錄

日本使弼中之來金暮齋為宣慰使時適夏月弼中見
食案有冰忽吟曰冰消一點還成水請公齋屬對余
吟吟半日對曰木立兩株便作林弼中屈膝云而此則
如是記之未知所以狀抑未及聞耶

海東釋說

魚變甲永樂戊子中文科會試大提學鄭郊隱公以在
雙井詩曰三級風雷魚變甲一春烟景馬希夷雖云對
偶元相適那及龍頭第一名公果中試第一名上同
魚變甲為監察典中岩軒樞約曰吾等苟得名遂須破
養老親及為集賢及直提學以上是稠疊未忍述難

輦下常恨故券之已晚宣恤丙午患濕證即欣然辭或
行至昌寧別墅作詩曰謝病故來一室幽荒涼樹古
池頭差余豈避功名者只為慈親不遠將至咸安本家
題壁上曰故來袖息地環塘兩三間風雨弟兄話晨昏
父母顏門軸反澗水樓對四牕山只要居仁義休作諛
不難朝諛惜其行義除金海府使不起申公官至工曹
叅判上高

成化丙申祈郎中順重博川江作詩其末篇歷羨字四
佳徐文忠公和其韵往復各十二篇最後中佳云南望
遼城家万里今覩長統故園羨郎中曰羨非園中之物

此句何謂也譯士進曰徐公象在水國蘆花最多故云
甫曰然則不妨蓋四佳從指故鄉為故園然終不為穩

慙上同

金時習遊嶺東與柳襄陽手簡累百言其畧曰僕生後
八月自能知書戚祖崔致雲余為時習三歲能擬文作
桃紅柳綠三春暮珠貫青針松葉露弄句五歲讀中庸
大學於修撰李季回門下司藝菊須余作字說以授政
丞許稹到戶曰余老矣其以老字作句僕亟書曰老木
開花心不老許得歡款賞曰此所謂神童也英廟聞
而召于代言司角知申事朴以昌試之知申事抱子膝

上指壁画山水圖曰汝能作句乎遂聲曰小亭升宅何
人在如比作文作字甚多傳旨欲親引見恐駭人聽宜
韜晦教養待年長學業成就大用 英廟顯廟相繼賓

天上同

蘓福八歲作初一夜月詩云瓦朔盈虛又一初嫦娥底
事半分無却於無處分明有恰似先天太極圖年十四
而卒上同

東人詩話云 御製牡丹峯詩曰北斗七星三四點有

一書生進對曰南山萬樹十千秋五四為七而十千為

萬的對云上同

寧海府有西泣嶺俗傳使星差初踰此嶺則必有凶事
人皆避之孫七休辟孝為觀察使直到嶺上自古樹題
詩曰汝揖華山呼萬歲我將徇命慰群氓箇中輕重誰
能會白日照然照兩情因改名曰破怪現上同

成謹甫自赴燕京有人請題白鷺圖而不示其本先成
曰畫作衣裳玉作趾窺魚竿際幾多時於是出函示之
乃水墨圖也遂繼之曰偶然飛過山陰縣誤入羲之洗

硯池

上同

佔畢翁金文簡公作舍方知詩其序曰舍方知私賤也
自幼其母為女兒妝傅脂粉剪髮及長頗出入朝士家

多與女侍通士人金九石妻李氏判院事純之之女也
霧居引舍方知托以縫衣晝夜共處幾十餘年夫順七
耳春司憲府聞而鞠之逮訊其素所通一尼之曰陽道
甚壯令女醫班德扨模果然也上令承政院及永順君
溥河城尉鄭顥祖等雜驗之河城之妹為李氏媳婦河
城亦吐舌曰何其壯也 上笑之特令勿推曰恐污蠟
純之之家門也將舍方知與純之區處純之只杖十餘
送于畿內奴子家既而李氏潛召舍方知還純之卒後
尤恨恣不已今年春寧福因燕語白之杖配舍方知于
新昌縣余聞之賦二首云絳羅深處幾潛身脫却裙釵

便露真造物從來容變幻。世間正有二役人。又云男女
何煩問產婆。妖狐穴地敗人家。街頭喧誦河間傳。閨裡
悲歌楊白華。蓋舍方知其外腎。常藏在内裡。故有二役
之語。上同

文貞公魚世謙。晉過臨溪驛。有詩曰。得句偶書牋。紙破
詩亦破。好詩人必傳。惡詩人必唾。人傳破何傷。人唾破
亦可一笑。騎馬做千載。誰知我載於東國文選。上同

成化己亥。中國征達州。請兵於我元帥。魚有沼至滿浦。
鎮以江水。未合罷兵而做。成庙大驚。即命尹弼商代
之。斬賊魁李滿。任其他首級亦多。又獲被虜人口遣叅

判魚世謙獻俘馘于京師行至遼東御史及太監德兵
官等曰首級人口何必送于京師首級則付過鎮人口
則付親戚可也我等當具由奏達公曰獻馘王庭古也
今奏捷而無所獻將何以驗往復數三竟不從御史等
為公設宴公揖而不跪御史曰何不跪飲公曰我奉
陛下之命來朝京師諸大人特設宴以禮慰我耳我而
得跪飲至海州衛有人自称御史丁鑽作絕句求和公
即次韻曰百尺深地百尺城 聖明千載際時清手中
掣得鯨鯢首不愧凌烟掛姓名其人跋云真宰相也 尚
李文順見衆鷄啄虫惡而斥之因作詩曰朱二公好啄

出余不忍視，勿使通汝。莫怨我為好生，本自期我今
退老，踈散不卜朝。天早晏，豈要聞渠報曙。貪眠尚欲
睡，牕明自註云：自三言至七言，蓋法李太白三五七言
之詩也。旨

魚世謙詠菊詩：菊三兄松弟竹，挹夕露承朝旭。繁三英
三發三郁三霜葩耀晚金，雨葉滋晨玉。開三徑望南山
，淵一潭追幽谷。憩芳自可制，頽吟隱逸正堪醫。薄俗者
視，不減宛田精神。色相猶存本來面目，烏帽落時須更
插一枝白衣來。處何嫌酌牧斛物，既貞潔其操自然。而
真人爭播詠於詩，愛之誰酷。自註云：自一字至十字，蓋

法文順詩而添其体格也

上同

正德己巳年閏有三嘉縣令忘其姓名者政頗貪酷適
病死將發柩邑人貼詩於柩首曰冥間五鬼虐蒸民帝
使天羅殺毒身從此閻陷愁惡絕先天舜日太平春現
縻使聞之曰縣令固非矣為邑人者亦未為得也令訪
捕作詩者竟未獲按此詩雖不工亦可謂貪黷者戒之
也

上同

姜木溪渾晉往嶺南看星山妓銀臺仙及正駢到扶桑
驛先駑持寢具已過去公与妓宿於驛舍贈詩云扶桑
館裡一場歡留客無衾煇燼殘十二巫山迷曉夢驛樓

春夜不知寒又云姑射仙人玉雪肌晚牕金鏡画娥眉
卯酒半酣紅入面東風吹鬢綠參差又云雲鬟梳罷倚
高樓鐵笛橫吹玉指柔方里閑山一輪月幾行清泪落
伊州妓至尚州方別去公踰烏嶺少憩遇星山書生姓
呂者自京還鄉公忻然止飲裁書寄妓曰吾与娘素不
相識接神交於千里之外豈有宿緣歟商山別後薄暮
到幽谷煮館間寂簷溜玲瓏挑燈兀坐隻影徘徊此時
情緒不必言也明朝踰嶺涧水淙淙山禽響蒼魂酸骨
冷不能為懷雖欲聞娘玉笛一声其可得乎妓以公詩
及柬作屏風公素有筆法醉墨交輝若綽龍蛇士輩之

南行過是州者莫不來見因而饋遺賴有以自給云上同

金鎖相詮祭其子曰去年汝喪子今年吾喪汝父子之

情汝先知之尚饗只下兩語而情詞俱到讀之可喜上同

禹知事探為靈岩郡守徘徊樓詩徘徊樓上月徘徊岩

子徘徊亦快哉玉兔幾年仙藥搗素娥何處鏡奩開搖

波散百東坡水對影成三太白亞直到夜深天似洗好

風吹送桂香來一時以為佳作然東坡百太白三本李

文順語而安又有昌寧秋月軒詩其一聯搖波散作東

坡百對影真成太白三有何新語而屢用欺上同

南止亭家家于白岳山麓其北園有泉石之勝朴翠軒

閨每与李容翁苻携酒往遊止亭以丞旨晨入夜飯輒
不得偕翠軒戲名其岩曰大隱瀨曰万里蓋岩未為主
人所知所以為大隱而瀨若在万里之遠云爾每大醉
題詩于岩石曰至人官高勢薰灼門前車馬多伺候三
年一日不覩園倘有山灵应受垢又曰王人有金玉什
襲豈輕授緘縢固鑄守夜半未信溪山移白晝又与容
翁飲于止亭贈詩曰昨過万里瀨偶逢春雪後老兵失
亦可猶幸得吾友溪山自青眼禽鳥如相乳盃聯好
詩未覺日已酉松間聞鳴道幽趣忽魯莽迫則斯可耳
亭更踰牆走相持还刈飲蒙不辨誰某坐見玉山催傍

人爭拍手上同

申松溪用漑為大提學過止亭南公飲酒酣松溪把盞
呼酌曰子能賦此則便以衣鉢相付止亭信口吟曰楊
柳陰陰欲午鷄忽驚窮巷隘輪蹄爭瞻風袂空隣舍未
具盤筵寔老妻乘興但知傾藥玉忘形不省挽輕犀沉
吟欲賦高軒過郊重荒詩未敢題松溪嗟賞久之曰衣
鉢有做矣後止亭果代典文衡上同

朴樸譙武弁人也少時在申文忠公命下有詩曰十萬
貅貅擁戍樓夜深過月冷孤裘一聲長笛來何處吹盡
征夫万里愁後題興德縣培風軒曰屹立亭三万仞峯

頭高閣迥臨風地連蓬島三清界人在瀟湘八景中
雲帶山腰橫縹緲水涵天影接空濛忽看遠浦放帆疾
木道遙連漢水通武弁中有此作亦未易得也上同

成化間琉球國王遣使獻鸚鵡一隻不能言佔畢翁遇
之於東都作詩曰珍禽隻影到東陲幾伴禰烏日夜馳
鳴咽只應悲旧主謂是鳥嬖倖還欲學癡奴不能言翠衿自惜
羞花照紺趾難辭玉鏤磨爭似九苞丹穴鳳不言猶瑞

太平時

上同

凡為守宰例藉民家果樹收其粟其貪苛者無問歲之
不結取之必盈其收民病之至有伐其樹者魚潛夫家

于金海見斫梅者乃作賦有曰世之馨香之君子時務
耗帑之苛法慘已到於伏雌故又酷於童殺民飽一盂
飯宦饒近而貢怒民暖一裘衣吏攘臂而剝肉使余香
梅野亭之魂花點流民之骨傷心至此憔悴寧論奈何
田夫無知見辱斧斤風酸月苦誰松新魂又曰黃金子
繁吏肆其饕餮增顛倍微動遭鞭撻妻怨書誰兒啼夜守
茲皆梅崇是為尤物南山有櫟北山有櫟官不之虞吏
不知虐梅反不如豈辭剪伐金海倅見之大怒將捕治
其罪潛夫處之他郡病卒驛舍

上同

嘉靖辛巳武人河挺娶姜氏守節不貳新指自誓後其

母潛令人通娶新昏之眷反重於旧常同处香帷不虛
若交頸之鴛鴦人皆嗤之鄭湖陰作姜節婦行曰宜春
之縣無善村有女姓姜稱淑美門譜雖然無外家郎罷
夙世踏聯什田園雄挾滌水北家人千指被羅衣姜娥
天賦蕙蘭質綠鬟丹脰仍皓齒蕪娘錦字工宛轉薛濤
華牋富詞理何鬟密奉阿母護國外不曾聞綉履媒媼
浪費青鳥使幾年擇對深閨裡岳牧爭調不點頭自許
竟敝河氏子河生繼由武階進納交盡是知名士自謂
高宦若拾芥郡有券客耽書史那知竟坐王逋袂家破
身墜為世累姜娥泣血誓天地有如舊志期一死親携

夫駘安山何子然被徑無所倚慈母勸止親黨詞語不
及耳輒驚起有甲利財挾勢誘忍取銀刀落鐵指羅衫
隱血紛滴地承以粟尾書滿紙陳辭墓前哭徹天聞者
怖愕未震委紙庶咨嗟縣官嘉令女共姜疑可企有姊
亦寡欲自適感起不作家声耻何知母性喜售女陰結
惡少逞奇詭黃昏屏息後閤子伺女就房令逼通楊言
老嫗事幾人乃遭汝翁來家此終二眼前列汝曹享有
光榮莫我似人生一世坐寄灶汝縱立節誰復喜女聞
斯言心忽回昨非方知悟今是甘心似為力所扼通霄
夢結鴛鴦被翻思曰主欲輸忱傾瓶已作雞叔水長曹

唾笑妯娌間醜言播耳將唾卻新昏反供嚙臂盟一日
暎異情難已節行居然變淫行河間有灵羞与擬殘肢
教死始何心片言毀節終奚事書之柱身剛強虜辨禽
碎腦存趙祀終然折趙欲故虜若得誅心同大死聖人
所以貴終之九仞虧簣宜審始感歎聊為鄴婦行庶使
現者為鑑砥上同

牧隱李公浮碧樓題詩曰昨過永明寺暫登浮碧樓城
空月一片石老雲千秋麟馬去不返天孫何處游長嘯
倚風磴山青江自流景泰初倪侍講登樓讀此詩歎曰
惜不得與此人同時也大同江又有三峯江之水辭与

郊知常雨歇長提州色多之句不下於牧隱

上同

婦人之或中饋織紵而已文墨之才非其所宜吾東之
論從古如此雖有才稟之出人者亦忌諱而不勉可歎
也而本朝有郊氏成氏金氏皆有詩篇傳世而姜弱
少氣雄郊氏昨夜春風入洞房張雲錦爍紅芳此花
開外聞啼鳥一咏幽姿一新腸之詩成氏眼帶双行泪
膏藏万里心门外紅桃一時盡愁中白髮十分新之句
金氏境僻人來少山深俗士稀家貧無斗酒宿客夜还
飯之詩稍可人意今有東陽申氏自幼工西其蒲萄山
水妙絕一時評者謂亞於安堅吁豈可以婦人之事而

忽之又豈可以非婦人之所宜責之哉

上同

金冲菴淨以能詩文名一世所著遺失存於世者無幾
猶子天字叔拾見聞袁為二卷其遣懷詩曰海國恒陰
翳荒村盡日風知春花自落入夜月照空鄉思千林外
殘生絕島中蒼天应有定何用哭途窮又曰少年師古
訓意拙謾多癡道在名何用宦成殆亦隨世事之前定
行身未早知餘生倘有悔來日庶能追其晚望詩曰秋
陰起將瞑迢迢起荆扉忘琴獲眼悄冥烟島嶼微眼穿
孤鳥盡思逐片雲依一蒂豈云素人豈自未敏又曰絕
國無相問孤臣棘室團夢如閑塞近僮作弟兄依愛病

工侵髮風霜未授衣思君若明月天未起遙揮其效劉
白張姚休詩曰謫居人事絕却與嬾相宜書亂多無次
畦荒半不治睡眠侵午旦枕席趨涼移人散酒醒後月
明雨夜時其晨起詩曰二年流落任魚鰕双髻蕭二半
已華魂夢不知滄海遠春來無夜不還家其山雨詩曰
蕭蕭山雨下茅菴秋老荒城晚色酣故國山川魂自往
不知身在海天南其題路傍松詩曰海風吹去悲聲遠
山月高來瘦影疎賴有直根泉下到雪霜標格未全除
其江南詩曰江南殘夢盡厭之愁逐年芳日添双燕
來時春欲暮杏花微雨下重簾其錦江樓詩曰西風木

落錦江秋烟霧瀕洲一望愁日暮酒醒人去遠不堪難
思蒲江樓其江興詩曰遠峯天外翠自浮烟樹重三暗
浦頭一雨渡江做棹晚鴈橫雲渚蓼花秋其別弟詩曰
汝去寧吾母吾留阻我親去留分汝我吾汝本同身其
感興詩曰落日臨荒野寒鴉下晚村空林烟火冷白屋
掩荆門其岐路詩曰岐路紛紛者立緣食与衣不知朝
復暮白髮鬢過綠上句

冲菴呂莊通川叢石亭題詩六首後郡守毀其板因而
逸其二篇皆覽徐中佳東人詩話金英憲之岱題詩義
城館樓為一時膾炙及樓火於兵板隨以亡後數十年

縣監吳迪莊之女發狂亂語忽詠出金詩以為鬼物亦
爰詩復傳於世蓋通之為郡亦無鬼之爰詩者可惜也
今錄四詩于下其一曰絕嶠丹崖滄海儼孤標爰服即
蓬丘硬根直挿幽波險削面疑徑巧斧修鰲柱天高殘
四片羊碑峴古杳千秋鶴飛人去已寥廓自新碧雲空
自愁其二曰千古高臺叢石勝登臨寥落九秋懷斗魁
鏹彩墮碧海月宮借斧削丹崖巨溟欲泛危巖去顛骨
長衝激浪排蓬島簫笙空淡野夕陽搔首寄天涯其三
曰八月十五叢石夜碧空星漢淡悠悠三飛騰桂影昇天
滿搖漾銀光溢海浮三合孤生身一粒四仙遺躅鶴千

秋白雲迢遞萬山外，柿立高丘眇遠愁。其中曰：雲沒秋
晴淡碧層，清晨起望大陽昇，光涵海宇初吞吐，射天
衢忽湧騰。幽窟老龍驚火焰，深林陰鬼失依憑。人間昏
黑，徒令廟欲向崦嵫為繫繩。上同

僧雪翁者，自稱金時習之門人，頗解賦詩。亦曉談，余華
使之來作詩，呈于宝山館。其意以為詔使必奇其詩，而
召見也。華使覽之，送于臺。接使雪翁李公曰：下輩以此
作詩示余，不曉其所道。語容翁以其事啟。聞翁拿來杖
流于遠，太使西還，作詩使付之曰：天興有寺在山中，偶
甫逢僧說異同。花玉三生何起滅，性原二字但真空。行

雲錫杖泥沙印了月因緣頭腦筋栴有烟霞憑旧物著
提枝葉恁西東所使多佛徑不可曉上同

李容翁詠朱雲詩曰腰間有劔何須請地下無人亦足
游可惜漢庭魏里令一生唯識佞臣頭古今詠朱雲者
無此意思雖置之唐宋集中無愧矣上同

正德辛巳容翁遠迎唐太史皐於義州太史有畦畛不
輕言語至定州容翁於座上走筆次飲醕四絕句云柳
下胸中定自和休論醕性更如何芳名得上詩人句已
比尋常酒德多上同鹽梅今日不須和奈爾殘傷真性何若
使次公知此味當時未必戒無多一碗吾來返太和上同新

詩得意妙如何若將糲孽論優劣一段天真汝自多香
粳雪乳共調和滋養工夫舍此何能掌從來非所欲子
輿之論有誰多太史覽之曰真老拳也

上同

黃參判孝獻字叔貢學問甚篤為詩文必以西漢盛唐
為的一時以為強效古文頗不許魚文貞晉游西海既
半年與伯氏會于都下公寄詩曰文章歆二子兄弟政
鞋為不見未旬月相思如渴飢池塘成夢後風雨對床
時偕同屏春興今朝幾首詩其句格之高下具眼者自
能知之

上同

奇應教遵字子敬正德己卯歲直玉堂有紀夢詩曰異

域山河故國同天涯垂泪倚孤蓬潮聲寂寥河汴木
葉蕭條城郭空野路細分秋草裡人家多在夕陽中
征帆万里無回棹碧海茫茫信不通調悲壯絕似唐詩不
收月謫咸鏡之穩城其異域垂泪河閼城郭野路人家
無回棹信不通者一如詩中所紀信乎詩之能識人也
金冲菴竄洛州作方生談牛島歌正如鬼仙之語魚文
貞問駱村朴公冲菴牛島歌何如駱村曰世間除長吉
安能有此作所見與余同也其詩曰瀍洲東頭鰲抃頤
千年閼歎涵重溟群仙上訴提五精負顛顛一夜裏雷霹
雲開霧廓忽湧出瑞山新西飛王庭溟濤崩涵噬山腹

鎔研洞天深雲高，穠層縷壁錦擷殷。
扶桑日照光晶熒，繁珠凝霧濺輕濕。
壺中搖碧森列星，覆宮淵底不可見。
有時隱三窺，牕棧軒轅奏樂馮夷舞。
玉簫聲寂來青冥，宛紅飲海垂長尾。
龜鵬戲鶴飄翅翎，曉珠明定塵區黑。
煇籠爛熳交眼青，驟虬踏蹕多娉婷。
天吳九首行玲瓏，幽沉水府囚百靈。
邪鱗頑甲毒風腥，太陰之精玄機停。
仇池禹穴傳神蹟，惜許絕域訛姦狂。
蘭橈擘入板神形，鉄笛吹裂老怪韃。
水咽雲暝悄愁人，故來恍兮夢未醒。
嗟我祇道隔門限，安得到叟來風冷。

上肖

冲菴贈市隱朴菴姜二絕句其一曰看渠詩思入湖山

剛歷紅塵十丈頑大隱從來非曲徑帝中塵日亦仙班
其二曰嬾倚紗牕春日暎紅顏空老落花時世間万事
皆如此鼓角狂歌誰得知按下篇弘治末乃蓋衣老人
贈韓生之詩事見秋江冷話蓋必朴拙姜者手軸來詩
公以詞意正合於朴故聊與戲題耳

上同

魚文貞少時將往西海採霞子呼酒餞行即席作詞曰
山之中兮寂君之傲兮我未敏溪之流兮洗君心洛
之塵兮徇我衣其詞不甚高古而老熟可喜是時採霞
子年僅弱冠

上同

曹通菴神少有才名成化己亥隨通信使申文忠公叔

舟往日本蓋洪憲貴達蔡懶翁壽交薦故也 成廟

以御札出五題令製進又命六承旨各出險韻以試將

行涵憲作適菴賦贈之後退居嶺南之金山有詩稿五

卷謄聞鎖錄一卷其偶吟詩曰三盃卯酒託年稀手拓

南牕一詠詩泉眼溢池魚藻刺樹林遶屋鳥來做花生

眼面雨晴後柳弄腰肢風過時誰道適菴無箇事每因

節物未忘機自註云用進退格用詩酒林泉鳥花柳

風雨等十字

上同

燕山唐晉作絕句曰時許群賢宴西亭閑憑花酒遣昇
平何徒爭喜鴻私厚咸欲思親猷以誠又曰重賢寬許

會銀蟾春晚長途此撥催不虛醉憐閑夜月故弄歌管
可重個適菴曹仲追次其韵曰撒人庠舍恣為亭採却
青紅作運平誅盡元勲屠諫輔只留皂帽表忠誠萬人
駢死薜蘿臺舞罷牙祥賜錦催恹恹欲尋諸弟骨却於
海上暫徘徊上同

吳給事希孟過臨津作双韵龍魚歌韵強而語頗生淡
鄒湖陰走筆次曰荆江赤壁在吾東來游詔使蘓仙同
桃源初生容泛舸入稠松鯨與衛輞厨人得雋恬不恍
活剝串炙洪爐中登盤指動共吞隴誰肯放角溟波沖
龍津丈人偶然逢推念万物天同功魚鳥神潛深崇

天機自在難留籠胡為貪餌辭曰紅穿總煦沫盆水震
刁几誰憐尾鬣紅盆公博雅心期冲放生奚希常州滌
此間有水清而洪維汝好隱藻苒叢慎出莫犯漁人象
龍門點額乘風聊天地浩渺層霄先生有釣掛崆峒
超揖元氣凌冲融餘力控此赤鯁公輒較血濡霜鋒雄
遂令四域無驚烽普注霖雨回蒼穹澤被海外作詩豐
豈徒此魚是私融終期翮質在天龍收功咸若民無恫
吳覽之歎曰真高才也 上同

東國無猿古今詩人道猿聲者皆失也嘉靖丙午五行
人鶴在漢江有詩曰猿稱隱浪浮春蟻長笛吹風嘯暮

猿大提學駱峯申公和之曰漢水即今逢彩鳳楚雲何
處輒啼猿蓋乙巳張行人承憲奉詔而來駱峯送迎
江上今聞出使楚國人故下句云耳押啼猿字而無斧
鑿痕最為整絕

上同

曹適菴仲晉赴燕京與安南國使黎時舉作詩酬唱至
數十餘篇黎詩一首云三韓見說景偏殊鴨綠澄三水
色秋知是江山詩思好還將句法效蘓州適菴次云嗜
魚熊掌味何殊我愛君詩淡似秋溫李只要誇富艷平
之端合夢蘓州黎以押蘓州字犯唱韻非和詩休贈書
譏之又贈一首曰馬辰遺俗古人殊世代相移幾度秋

稱蔭名宦何意義知君礼制異中州適菴以書荅之上同

李祗公叔自號天黥子博極群書老而不倦晉書詩魚
文貞公云內揮市井之間子力討商周以上書又中
而矣也歲文貞赴燕京作詩送行其末句云試向金怡
勤問訊中朝亦有銅人無文貞與天黥同病者也讀之
不覺一歎上同

李肇字浪仙燕山戊午母兄龜以佔畢南門第竄于羅
州相与泣别于郊自是不復赴舉家于黃海之平山名
其所居堂曰歲六常騎牛載酒携鄉社耆老或釣或獵
吟詩酌酒日暮忘返每飲而醉而歌或涕泣以悲雖

妻孥僕隸亦怪其所以病革遺命不擇地矣子前麓晉
作放言詩曰我欲殺鳴鷄恐有舜之聖雖不欲殺之亦
有跡之橫風雨鳴不已舜跡同一軌善惡各攷之不鳴
非鷄性其詩稿若干卷及所製歌詞六章行于世上同
退休蘓相公留義州公欲次聚勝亭暉字詩韵呻吟良
久曰諸公多押落暉夕暉料暉暮暉朝暉重疊不一今
得一句曰澄清如練謝玄暉似不習曰押而難其對耳
魚文貞對曰山谷有霜月掣金鉈之句差曰霜月掣鉈
黃太史則似可笑而但山谷之句未及澄江淨如練之
膾炙千古也退之詩云新月似磨鎌以此對彼何如

公曰果矣遂吟曰新月磨鍊韓吏部仍賦金篇時適望
後嫌非新月後月初寫以示人因公適來未懸於亭音
退休堂蘓相公夜坐看唐皐皇華集魚文貞曰容翁漢
江詩縹緲三山看覆鼎音逶迤一帶接投金之縣極佳公
笑曰汝誠具眼此我之所作容翁適多事使我代賦耳
覆鼎投金之對果為天成雖荆公復生亦無愧矣音
崔盡翁淑生義州蒙勝亭詩曰馬蹄西海到窮陲百尺
危亭近紫微且倚雕欄看勝景不教珠箔障晴暉江橫
鴨綠兼天淨柳暗鵝黃著雨肥忽憶玉堂身万里蓬萊
何處五雲飛退休蘓相公讀題板至此篇公點頭曰此

老詩可謂成章然曹梅巖詩雄藩自古壯過陞新構
華亭對翠微絕域雲烟來醉眼層城花柳媚晴暉山圍
曠野青如西雨過長江綠漸肥正耐登臨正望遠放心
日夜正南飛以余管見曹詩豈下於盡備哉

上同

柳楚儻大東詩林載睡翁宿樂生驛詩曰日夕衆山暗
素來投樂生仁驢吃殘草老僕飯香粳索枕背燈睡把
盃斟酒傾時呼長老屈指問前程夫仁驢吃殘草既
行李蕭索老僕安得以飯香粳乎既背燈睡則又安有
把盃之事乎且把字斟字傾字皆一樣意尤可絕倒只
宿樂生驛一箇日而曰時呼長老何也驛隸非禪道

之比而指為長老亦何也屈指字本漢書陳湯傳屈指
計其日曰不出數日當有吉語聞今問前程而使屈指
字亦未見其穩也上同

嘉靖辛丑歲賀鄴使赴燕適

武宗皇帝崩全國人負

不隨班朝暮哭臨一日尚早假坐于社門之外中朝之
宦多來坐隙字有一吏謂譯士洪謙曰子能賦乎謙曰
昨夜小雨客懷無聊偶成一絕吏求見之甚懇謙書崔
孤雲詩以示曰秋風唯苦吟客路少知音牕外三更雨
燈前万里心吏持去以示其宦於是爭遣吏傳鴈慎咽
良久至有持茶果來慰者最後一人手紙筆給謙曰子

其再賦譙書紙曰雕虫篆刻本非壯夫事况曹國衰豈
吟風咏月時乎無已則有路上行紀當以其中一絕句
相示其人曰幸甚乃寫到湯站送人車不待曰松鶻山
前路君東我馬西欲題家信去臨紙意正迷遂相告傳
寫如初指吟風咏月時之語歎曰真知礼之國也上高
林西河詠處妓詩紅粧待曉貼金鈿為被催呼上綺筵
不怕長官叱鄰令謾嗔行客惡因緣棄樓未作吹簫伴
奔月還為竊藥仙寄語青雲賢學士仁心不用示蒲鞭
詩固佳矣但蒲鞭一語頓無香閨風韻若遇投梭之女
恐不如幼輿之甘心折齒也上高

古之賤婦遇詩人而垂名不朽者固多有之黃四娘之
於子美柳枝之於義山商婦之於樂天國香之於魯直
是也豈非風流一奇事而為四婦之大幸也近世有京
妓上林春以能琴擅一時且為申叅判從護所聘申贈
詩曰第五橋頭楊柳斜晚來風日轉清和湘簾十二人
如玉青瑣詞臣信馬過至嘉靖年妓已年過七十倩李
上佐畫其事寫中公詩其上仍乞詩於搢紳鄭湖陰乃
題一律其小引曰琴妓上林春年七十有二其技不衰
感傷往事輒放撥預旧故声調多怨每來乞詩欲留名
身後憐其堅懇為書一律其詩曰十三學得倚蘭操法

部叢中見藝成通接貴存連密席文通宮藉奏新聲嬌
鶯過雨花間滑細溜侵宵洞底鳴才調終慚白司馬豈
能商婦壽佳名金暮翁題絕句曰容謝尚存傾國手衰
絃彈出夜深絲聲似惡年華暮奈爾浮生与老期諸
公多和其韵聯為大軸憶妓之奇遇殆不在黃四娘諸
婦之後矣貞

申松溪用溉昌謁告浴于湖西道過天安郡謁宦婢名
四德者觀察使崔盡翁淑生戲代四德走筆作啓呈于
松溪曰天安郡宦婢四海謹再拜奉啓于兵曹判書申
相國閣下天氣下降地氣上通兩根相盪化為精液雖

尊卑之相絕固感之無間伏惟相國閣下妙穿楊葉
雄貫桐輪昂二方鷄群之鶴矯二方人中之龍早馳騁
於平康里紛出入乎溫柔鄉風情飄逸三行紅粉一時
迴洞房窈窕十二闌干春晝長鸚鵡盃方醉興方濃舊
舊余方愛根難拔薄曹文園之渴暫煩灵泉之浴謝日
過而孤征指湖中而尚萬蒼柳園桃渾不見攬亂吏部
之懷朝雲暮雨徒空語寂寞襄王之夢車騎未屆於溫
陽榮戟忽臨乎樊邑薄言觀者方康莊何以舟之方金
玉顧蓬頭之無可取颶風標之不敢當何意餘光曲照
陋質杜御史獨酌華堂忽發座上之狂言陶處士一夜

郵亭驚破江南之烟雨。煇熒。兮。照壁風飄。兮。鳴扉。
十年慣卧牛衣。每歎双足之屢穿。一夕誤入錦帳。自驚。
此身之非分。念中宵之再合。索曠古之難逢。古語有之。
雖有姬姜。無棄憔悴。以今揆古。豈不信然。設使相國無。
挑琴之才。賤妾有投梭之志。寂寞空館。蕭條秋夜。鴈過。
而自覺偏聒。鬼窺而爭笑。獨眠澹溟波上。蛟龍失行雨。
之權。赤壁磯頭。將軍無用武之地。徒增無窮之恨。盡度。
可憐之宵。深惟賤身之蒙幸。正由雅量之納污。忽馳馬。
之言。旋知此會之難又。心鬱。兮。不叙涕淫。兮。交墮。
銷金帳淺斟。羔酒誰是眼前之人。白門樓半脫玉釵空。

成卷中之身伏願相國閣下精氣更旺灵根益固綠野

笙歌莫做冷淡生活東山絲竹長作風流宰相

上同

嘉靖己亥郊同知万鍾以陳慰使沈金知連源以進香
使相繼赴燕偕屬于玉河閑作朝京契軸求詩於華侍
讀縑華手題五言長律曰大舜垂衣日越裳重譯年山
河分異地玉帛共朝天秉節惟忠順覩光揔俊賢徘徊
走馬任先後秋邑懸取美叅曹佐榮深隸俎筵承承主
禽重去沐聖恩偏北闕應多惡東藩幾盛傳故旌臨鴨
水清旭上朱舷

上同

金安老營別墅於東湖頗人田扁其堂曰保樂及敗荒

府僅存申駘峯晉泛舟過其下作詩曰聞說華堂結構
新綠牕丹檻照青春江山亦入陶甄手月笛不宜錦繡
人進退有愛君保樂行藏無意我全真風光點檢須閑
熟可使何人作上賓駘峯蓋金之姪女婿也罷官居外
垂二十年常為金所擠上同

朴拙姜本以市人能有詩聲中廟改玉初陪名士遊
於彰義門外得句曰乾坤新雨露詩酒曰山川諸輩歎
美不已姜木溪晉與同登木覓山呼韻使賦詩即口占
曰扶筇登眺渺茫間方頃滄波萬點山口腹於吾真一
柴不將身世老江干木溪驚服乃作市隱先生傳以市

人而其詩如此亦東國之亦稀有者也

上同

金顏樂所以通信使書狀宦書通菴伸以押物宦偕往

日本徃對馬島顏樂作詩紀之曰跨海別有天環島自

成聚民物多漁人村居半塩戸兒童亦佩刀婦女解搖

櫓蔭茅代陶瓦剖竹作弓弩竹籬閑榜鱗石田少稷稼

羹臙煮葛根矢房挿鷄羽蚌蛤充糗糧椒苈資商賈炷

艾醫疾病灼骨占風雨檀施捧浮屠通處萃祠宇脫履

知敬長同席不避父椎髻慈多染合掌背微軀睡毗生

忿恨慄悍輕殺掠競語母呶々相力喜躍々倭訓母呶々發語辭

躍々力聲用酬酢嗤異礼孟孟驚詭作山肴推橘柚海錯斫

較髡髡舌鳥喃之歌吹蛙閣之紫身舞白刃假面出絲
幕主人殊繾綣旅容頗謹謹遂控如唱蔗風味雜甜苦
行矣早故來信美非吾士商菴亦作赴宴書所見詩曰
更刮客中眼陳產雜戲多踞床拍手鼓戲額作喉歌室
鈕蒙身舞詠談轉面謔心知是樂事無怪語音訛又曰
老翁來押曲絲幕出青童舊擊如攻敵揮戈似護躬傍
觀喧雜皆假面競青紅竟夕留歡笑故來馬若鴻規二
公之詩對馬島風土殆牢籠盡矣

上同

薛偉以正統年間為萬頃縣令以廉謹稱一日為方伯
所請乃投笏而去留詩案上曰牧年江都柿鳴琴志在

高山與水深世上難逢鍾子耳絃中誰會伯牙心上同

曹通菴謾聞損錄載魚變甲荅禹廣州詩曰登高遙望
故人庠聊向江頭問鯉魚是非物情隨世變奈何吞釣
不吞書批云寓意深切今按此詩逸於集中通菴其
得於傳誦也上同

魚提學變甲喪後臨禪焚中作詩曰酸梨小洞古山阿
庠墓三年一柳梭饘粥厭河疏食進蓑麻纔著鍊冠加
昊天罔極是難報中月而行禪已過莫謂泉扃終寂寞
五男俱在子孫多上同

燕山甲子洪彥忠謫于鎮安縣自分必死題詩幽谷驛

曰一枕清風孤館裡三盃卯酒老槐過此生不料生正
日方事悠二只付天又擬古人自挽而銘之曰大明天
下日光照國男子姓洪名忠字直半生迂拙文字之功
在世三十有二年而終舍何云短意何其長卜于古縣
茂林之鄉雲山在上濤濤在下千秋萬世誰過斯野指
點徘徊其必有悵然者矣後數月果被殺

上言

謔以春雨牧來石墻飽腹沙鉢缺耳老人潑皮小兒捷
口僧人醉酒泥佛渡川家母手銚食簞有者為無用之
事柳大容晉裁採謔詩曰石墻飽腹真無用稚子能言
亦匪賢不願如今春雨牧願君家母手如椽是春適多

兩故接句云

上同

鄭公子堂昏以祭執事在 宣陵作詩刺燕山曰噉

赤子熾爐中醉屬隋皇反似龍耳戎豹入宮聞號三寸雷

掀取視矇々彗星乙夏天愈怒土雪辛冬度最凶魂反

久寒香火炷廟庭交錯獠故蹤三千駿馬搜盈厩一萬

娼兒送入宮母妃正忌催鞋沸 宣殯初哀射鹿同而

殯歿身膏潤草六勳刑骨碎飄風慢教撒盡師聖字短

表殘毀士民風姦雄唇齒笑刁慄忠孝心肝怨血紅切

業已做西漢霍神人咸屬晉陽龍曉難回闕愁容慘夜

渡喬津駿浪涵街童鼓舞爭譏刺惡疾終酬財目瞳瞿

棘豈城稀見日低頭扣斫泣臨銅十載冰朝多隱愧何
顏地下拜成宗又作絕句曰題詩十中韻泣訴古陵
壇皇灵如有鑑立照寸心肝按郊詩出於傳誦時有違
律且對偶或不精切以其備載燕山之事故錄之

上同

嘉靖甲午郊湖陰赴燕賀至敝生作夢見尚書夏公詩
曰皇家人物衣冠襲一角祥麟冠中灵義敵筆鋒推獨
步班揚賦才擅高名南曹亢礼敝時論宮保承恩切程
星黃鵠壤豈知自別魂交猶得覩分明載朝天日錄刻
成密令通事見惠夏尚書桂洲深喜湖陰賢宰

上同

籓退休以進賀使赴燕序班等以公謁文廟及即事二

詩示尚書夏言夏見之曰早知有才當待以異礼遂贈
其詩稿及还公 啓其事時李任為大諫論啟曰蘓某
濫將惡詩誇示中原請究其罪 中庙不輒其謁文庙
詩曰晨起衣冠謁素王太平絃誦喜洋洋德不廢千
年享道大難窺救圯墻壇上杏花紅半落庭前槽樹翠
成行平生只解歌鴻鴈今日摩挲石鼓傍其即事詩曰
宴南面餞一旬間三月皇州却未还柳絮白於裴客鬢
桃花紅勝美人顏春愁黯黯延空館故興翻翻落故山
早晚句當公事了拂衣長嘯出秦關按此詩偶為夏公
所見而謂之誇示中原不亦過乎且夏公心既許之至

於贈其詩稿則恐不作惡詩者也

上同

梅竹軒晉夢遊桃源圖為題詩有曰桃源徠徂陽東韓
梅竹何從薦地看恁我天遊酣一枕馳神高卧任三竿
云云若未知梅竹夢遊之事則孰知所謂梅竹者指安
平而又安知其為夢遊之圖乎

上同

南秋江作六臣傳其李愷傳曰臨車載有詩云禹鼎重
時生亦大鴻毛輕處死亦榮明發不寐出門去顯陵
松柏夢中青朴彭年傳曰光廟以領議政宴於府中
朴有詩云南堂深处動衰絲万事如今總不知柳絲東
風吹細花明春日正屋先王大業抽金積聖主鴻

是倒玉卮不樂何為長不樂麋歌醉飽太平時成三向
傳不知何人添註於其下曰臨車載有詩云擊鼓催人
會回着日欲斜黃泉無一店今夜宿誰家按今敲暈言
孫普采潛溪高第也被罪臨刑口占一詩曰鼙鼓聲正急
西山日又斜黃泉無客店今夜宿誰家此非成公之作
明矣索註者之誤也上句

日本僧天祐贈陶隱以赤城紫石硯陶隱謝以二詩其
一曰海崖神山是赤城山中室氣煇天明上人斷得羊
肝石持贈東韓翰墨生其二曰肌理如脂不假硯池過
石眼點華星白圓點差干列於硯池過左右者云深毫敢作雕虫字擬寫

楞伽一部經佔畢翁錄下篇於青丘風雅陶隱以此硯
形質奇妙噓則生水可為磨墨寫四五丈紙真古今奇
玩者也付之嗣子令世傳守毋或失墜上同

寒暄堂金公受業於佔畢掃行無比平居必冠帶人定
後就寢鷄鳴則起手不釋小學人或問國家事必曰小
學童子何知大義年三十後始讀他書年益高道益邵
熟知世之不可回道之不可行蹈光晦跡然人亦知之
佔畢為吏曹叅判亦無違白事寒暄上詩曰道在冬裘
夏飲冰霄行潦止豈全能蘭如徒俗終當變誰信牛耕
馬可乘佔畢和韻曰分外官高到伐冰匡君林俗我何

能從教後輩嘲逐拙勢利區：不足來自是始不滿於
佔畢翁笑上同

弘治初董越王敬二詔使之來遂接使許判書豫酬和
詩篇皆從事宦中從獲之作及回到鴨綠江舟中許公
於座上索筆親作絕句曰青烟漠漠草難：正是江頭
送別時默：相看無限意此生何處更追隨董使覽而
悅之是時曹適菴伸隨許判書往來後謂天黥李珉曰
青烟漠漠草難：之詩案伸之所製也其時許公密令
伸製之適菴天黥皆非妄語人也茲以錄之上同
金季雲案間世之士也逢時不祥被袂而死但其被袂

之首尾及身後洗雪之未盡後生不能詳知南止亭挽
其遷墓詩載之備矣其詩曰鬼神茫昧然天道諒難知
好惡與人異秋福恒舛施德三此宇宙修短同蔑咨焉
知髑髏樂不易南面治遠覲付一荒浮雲於渺瀰怖憐
名世人其出每屋之契濶數百年乃得一見之見之又
不遂至治寧有期吾生亦大幸得与君並時文章漢西
京人物宋豐熙太息又痛哭當仁輒敢為寧知絳灌屬
切齒從旁窺僂然束頭不處及東市第方事何所無東
海浩無涯世平法又弛善惡自分岐如何著雍寃尚未
大數披春秋起諱例定哀多微辭聖人与天同後世非

敢追執筆書所聞史家之常規所聞有正謬乃是一家
私編摩自有局削偽乃其宜只是腹中鈞強覓毛底疵
豈非元魏人列惡張道遠當官有不謹厥罪固當管賢
能又未減八詆在所師無人持此語一決九重疑歲星
行欲周永結識者悲彼陀城東土草雞掩屍情鍾有
子怪卜兆謀遷移君今九天上俯視息相吹鳶蟻既不
擇況同彼与茲人間自區區為便歲時祠淒涼木川縣
中有山逶迤他年纂圖誌錄墓當不遺末句意蓋謂季
雲之墓當錄於圖誌云爾也厥後纂集新僧輿地勝覽
將卽官錄季雲墓以進有一堂上止之曰此人初非大

宦又非大賢何至錄墓遂削去惜哉

上同

李贄成沆為承旨時金冲菴淨為淳昌守李於書東中
衙上寫記下二字而署於姓下冲菴題詩東後而送之
其詩曰曾同書榻與舊署流落南荒一病軀天上羣衙
承旨李臨題不憶故人無

上同

冲菴路傍松詩曰海風吹去悲聲遠山月高來瘦影疎
賴有直根泉下到雪霜標格未全除正德己卯春友人
李阮曰吾今日覩冲菴詩真絕唱也

上同

謝學士蝴蝶詩狂隨柳絮有時見舞入梨花何處尋人
呼為謝蝴蝶趙嘏秋夕詩殘燈故點鴈橫塞長笛一聲

人倚樓杜紫薇目之為趙倚樓郊谷鷓鴣詩雨昏青草
湖過花落黃陵廟裡啼遊子乍聞征袖濕佳人纔唱
翠眉低人為之郊鷓鴣鮑當孤鴈詩天寒稻梁少万里
孤難進不惜充君厨為帶過城信時號鮑孤鴈李牧隱
長嘯倚風磴山清江自流之詩可謂李風磴郊知常大
同江水何時盡別淚年々添作波可謂郊大同崔斯立
眼穿落日長程晚多小行人近却非可謂崔眼穿申全
角江路火明聞犬吠小童來報主人故可謂申江路朴
思黃白雲洞詩翛然獨出修林外石至筇音宿鳥知時
謂朴宿鳥上同

李容翁登書堂後嶺次雲卿詩曰青山今夜月白首昔
年人節序有來往風光無故新多違應物理一笑亦天
真童僕能扶醉盃行莫問巡時湖陰有遠行故有多違
應物理之句上同

冲菴移配涪州臨死作辭曰投絕國兮作孤魂遺慈母
兮隔天倫遭斯世兮殞余身秉雲氣兮歷帝閭從屈原
兮高直遙長夜冥兮何時朝炯丹衷兮埋草萊堂杜
志兮中道摧嗚呼千秋萬世兮應余哀夫公之殞身天
地皆知豈待千秋萬世然後始有哀之者乎曾見一本
炯丹衷兮埋草萊作耿二丹衷兮埋草萊如此則与下

句堂之壯志乃中道催諸勢有偏而且此一本出於進
士魚季瑊魚故金知李耘之外甥也冲菴之死李為滑
州牧使所得之本似不誤也

上同

蒲浦金使例為採郊草於胡地以為營中之用嘉靖乙
酉以沈公思孫有將略特授金使戊子正月以故事平
軍往採諸軍出散赴後與二三軍宦及八九軍卒設小
幙以坐有四五胡人托拜見以來乃有讎者也見其無
備拔劍直前公急上馬之逸而墜仍被慘酷剥其衣服
以去軍宦等一時散走公以一身安能拒敵哉此日之
舉雖不能如程不識之整部曲若稍有意外之備則安

有此秋乎李處齋作挽歌曰臨事靈猶懼君胡輕厥身
多才湏自惜異類豈宜親國在多吳日天方不愛辰君
私何暇哭沉痛迫楓宸

上同

崔公尚昌出按西海巡至瑞興作病中思親詩板之於
壁崔黃州世節讀之曰此老素不能詩如此作又其下
也指如蓬九折板未必比駟登之句曰此字詩家所不
使余時在下席不覺失笑出語人曰古人詩句中用此
續此御字者非一二況漢書王尊傳尊至功徠九折板
比其吏曰駟之王陽為孝子王尊為忠臣則比駟登正
九折板故事蓋反其意而用之也黃州平生以能詩自

許以為詩無出我右而為此大言豈知竊笑者之在傍

乎

上同

正德年間黃校理孝敵八陣圖詩曰兵家休說渭陽符
不見夔江八陣名天地動搖做指畫鬼神蕭瑟落規模
此乃玉堂月課之詩也

上同

父子天性也凡無嫡子者雖有庶出必取三寸或五寸
七寸而為繼後何其棄天性至於此極耶親於父者莫
若子則祭祀之時子與侄孰為誠乎近來知天性者唯
清平尉韓紀鄭湖陰士龍李安分希輔申牧使潛閔同
知立瑞及魚叔義而已清平不拘翁主之尊付祀於庶

子光難得也申牧使之卒湖陰作挽詩曰嗟君緒業堪
誰付三尺猶存侍者兒試取他人謀義續何如血屬令
天彛待書未必終無主門戶還知定可持白髮故交言
在耳心期豈得死生移湖陰吾與申論此事其志同故
挽詩如此上同

止亭南公按湖南作招宦子辭其序曰完山妓有字朝
雲者誦敝去來辭引喉完轉能作洛下書生詠唇齒牙
舌清濁高低了不差輒之令人忘倦一日雲誦一遍
問余曰此何人所作其意若何答曰晉處士陶淵明棄
官敝來自述閑適之意而有此作雲曰賢哉若人吾俚

倡中亦有這般意思仍作唱曰試為尊官唱之余乃倚
其聲而譯之曰富貴功名且可休有山有水足遨遊與
君共卧一間屋秋月春風成白頭吟訖不覺悵然曰歌
曲之感人一至於此耶使我能作鹿門之隱汝能安曰
井之勞乎雲曰尊官何待人之薄耶既奉巾櫛何敢復
有所憚乎第恐事機之難遇爾仍作招宦子篇申令雲
唱之其辭曰雲冥二兮洞壑深水冷三兮薜蘿陰鼃鼃
兮畫飛谷鳥兮互吟朝穿林兮拾橡栗向夕做兮遺細
君掩柴扉兮展卧寂千峯兮月一痕山之中兮可樂彼
宦子兮胡不來做朱丹轂兮朝日奪輝宦錦袍兮雕鵲

盤飛徒得市童之矜嗟不知前有穿兮後有機銳刃威
於諧笑腊毒隱於雉膏是寧不足畏兮而与彼陷之日
復日兮夜復夜既縞髮兮又墮齒山中之樂不可以忘
胡不來兮彼宦子余昔以此辭進湖陰公朗吟教過
曰真絕唱也上音

魚灌圃潯江為曹知事閏孫作真鴻亭上稌文有一郡
守愛其文刻梓以傳嘉靖辛卯年間公晉至京師有人
謁于寓所極談上稌文之佳公忻然曰梁西梁北二詩
人以為得意其文曰伏以身輕義重久寒鷗鳥之盟功
遂名成可償菟裘之債嘉靖始之得也同燕雀之賀成

嶺封疆為東南之雄晉山川為七十之最古稱豪傑之
發將相半是州人更為陸海之饒貢篚居多土物菁川
競流於洛汭地理遠過乎湖南伊先序之面陽乃一邦
之勝境固郡衆望北浸千頃之稻田永縣群壘南展百
里之錦障占一區之敵愾敵万户之雄豪主人相公腹
有五經膏藏万甲投筆而登虎榜取履而事龍韜六期
邇良州島夷自絕漁海四年豆滿水虜馬不敢飲流旋
取節於朔方又開府於嶺右重入樞院知四十九年之
非再聘出燕慣牧千餘里之遠為辭林而知倦雲出岫
而欲還所歷略同於先公肯構無愧於後嗣追惟懸車

之樂魚鳥亦識蒼顏貽厥翼子之多烟波乃是旧物世
平兮何妨向舍機少兮可以尋盟虹梁架鴻鵠之程鴛
尾蔭鳬魚之背畫舫風定湖光勝西子之妍紅雲澤香
蓮花似六郎之艷增數月之旧制爰有懷之新規題傑
句者青蘿釣徒楊華名者大隱岩王灌圃丈人之專壑
患多石而少田東臯先生之開園但有竹而無水釣月
堂疑若倒墜馭風亭眩難下窺粟灘水駛而欠鏡光足
亭山近而無黛色評一州之風物魚衆美者至人雖應
接其為芳故登臨者能賦遠而淡者黃梅榆岳皆是列
州近而濃者渾沌蓮花以為秋色池館豈專美於習池

簪纓亦不讓於蘭亭雪臆銀羹地無東吳之佳味牙籤
玉軸架添中國之新書空有江山之英軀我兒郎之頌
梁之東家山壽之更葱之連雲千里無他樹竹弟梅兄
與木公梁之南釣月潭新染出藍更與灌菴為鼎足朝
分得我烟嵐梁之西爽氣平看方丈低鶴洞群仙立
見我人間亦有好樓榭梁之北水朝湖去青蘿直遙瞻
紫極近觚陵心與長波流不息梁之上天光雪影澄波
漾尚書大筆大如椽照屋銀鉤作萃榜梁之下圖史琴
書兼飲射不月而明还不夜無風自爽長不夏伏願上
梁之後万竹有孫百果多子山報壽而水報智衆有魚

而旒有旗濯清泉戲乎林庶幾伸長統樂志論徵名花
聚異石木作資皇公之平泉莊老子不久於婆婆仙人
亦為之來御無愧高樓百尺卧公一身不必廣厦万間
庇我寒士上同

月精寺僧普願有佖畢翁所寄詩二篇其一曰醞藉風
姿稱所聞妙齡戒行亦超群名標子美双峯寺袖有郇
公五朶雲物外遨遊真迷忘塵中解造謾紛紜冠巾安
得如圓頂吏部清懷把贈君其二曰倏別天涯白足師
每逢泉石便相思沉冥祗已攻秦譯蕭散真堪讀楚辭
採藥林間回老過題詩岩畔皎然隨香怡春信今應早

須折山花寄一枝嘉靖庚子湖陰奉使閑東至月精寺

見此詩朗吟移日至口角流沫歎曰此本朝之絕唱也

仍次其韵自昏呻吟至天明始書以與之其一曰所得

從師過所聞景瀛佳作合空群雄如玉匣差三水態極

春空萬一雲一代詞源深造詣百年蟬噪刈紛紜驪珠

滿把楷昏眼懷璧何人肯罪君自註景瀛佔畢角字其二曰山門

故事備詢師壽正貞珉有仲思已把勲庸勒鍾鼎更將

博雅擅文辭摩挲如見鉤章妙摹榻不思淨本隨我亦

辨身能再到不辭筋力寄筇枝自註仲思上同益翁字

趙松崗以陳慰使回到山海關至事王應期以晚晴登

眺春日郊行兩律詩送于松崗松崗即次韵答之其一
首曰作客他鄉賦式微一庭青草畫閑扉忽聞剝啄春
眠覺展起雲烟碎玉飛綺語未曾平日見清詞盡識和
人稀東故謾荷瓊琚既無石慚投不敢違其二首曰千
里星槎客未做身同蓬梗轉無依多情野水清如湯滿
目遙山翠染衣林塢日高花艷柳堤風滿鳥飛三
才敢和陽春曲盛事爭如此事稀至事見之曰真佳作
也使之生中國豈非偶然哉上同
裨官雜紀危語詩曰矛頭浙米鉤頭炊百歲老人攀枯
枝盲人騎瞎馬半夜入深池得意詩曰久旱逢甘雨他

鄉遇故知洞房花燭夜金榜掛名時好事者續以失意
詩曰寡婦携兒泣將軍被敵擒失恩宦女面下第舉人
心其悲喜之狀不減於危語之妙也上句

郭功父十拗詩不記近事記遠事不能近視能遠視哭
無泪笑有泪夜不睡日裡睡不肯坐只好行不肯食軟
要食硬子不惜三孫子大事不問碎事煩少飲酒多飲
茶暖不出寒即出古人以為切中老人之病有人行年
七十七歲亦可謂老矣動与十拗相反乃改郭詩曰能
記遠事又近事不能近視况遠視哭多泪笑無泪夜熟
睡晝不睡只愛坐不好行不能食硬要食軟既惜孫宜

惜子天事固同碎亦煩喜飲酒不飲茶暖即出寒不出
郭詩則曰不能近視能遠視余則曰不能近視况遠視
蓋余少年病眼親兄在前久而方認記其稟事也竊謂
老一而拗不同無奈身已老而氣性尚不至於大褻耶
抑老人之性自相不同或異於十拗者耶聊記之以貽
後人音

崔朔寧天瑞號蚕川孤竹玄孫也以僊工直長分差往
山陵詩曰長生及裡奉玄宮夜起彷徨向北風明日千
官哭盡處橋山深鎖暮雲中

卷山叢書

湖陰以伴送使華使張給事寧之來前後酬唱皆不稱

其意使之從事宦李洪男製之其詩曰堂封當道左使
節駐移時授聖書猶在伴任意孰知三仁雖異跡方古
尚同師黃卷空相對爭如一真驪權在仁時侍幕下以
誦此詩

海東稗說

崔翼齡督叟居江陵鏡浦垵過申企翁寧三陟時自鏡
浦訪崔第將欲寄扁值其出姑止外舍夜欲深有一火
導人以來村犬皆吠崔家僮報曰主人翁來矣未幾崔
趨入向龔曠公作詩曰沙村日暮扣柴扉夕露霏三欲
濕衣江路火明聞犬吠小童來報主人故其後使閑東
者多次其韻聯為大卷見者皆以企翁詩為絕唱曷義

年崔以繕工監役留滯京師者殆十年一日以詩卷示
素善書生仍索其和韵乃題曰十年長掩故山扉崔上
東華幾染衣想得鏡湖春夜月子規應喚不如做崔嘯
笑曰此詩真我之藥石也上商

錦南文詞簡古而詩則非其所長然吾讀宋鑑作絕句
云挑燈撥讀便長吁天地間無一丈夫三百年来中国
士如何付与老單于讀此詩者咸歎其慷慨奮厲之氣
新齋少年場屋中作綱目賦奇偉動蕩有凌雲之氣伯
羅士秋謫居福川自号羅菴山人呂寄橘亭詩云江路
尋春晚思君步月時年山澗曲随分有生涯又与柳

城隱相善仍拜城隱之父城隱既歿其孤某生請學公
贈詩曰君當謂我兄我謂君如弟悠々俯仰間對面今
三世末句暗使韓退之馬馭中墓誌之意橘亭呂製為
義帝發表論一時傳誦後羅公世儼朝京得鄉試錄橘
亭之論載在其中考官批云何地不生才蓋非西廣則
必江浙之試也但不知其何自流入於中國也音

嘉靖乙丑京都人相傳洛川亭梁木上題近体律詩曰
曾見前朝種李辰花開一十二回春夢回華表千年鶴
淚洒青山一掬塵楓嵐曉鍾神勒寺烟波晚笛廣陵津
清秋扣桺駟江去樓上何人識洞賓聞者以為亭樑樞

高非詩人所能題必是鬼詩也都下謚傳咸以為怪未
幾又云梁詩今無而書在院壁尤以為怪有人辨之曰
所謂梁木題詩必無是事只書在院壁而傳之者誤也
安有曾在梁而今在壁之理乎余以此詩稟於湖陰則
曰詩甚拙俚且不成章必釋子輩作此欲欺一世之目
也按高麗史道詵云漢陽為李氏之都故恭愍王種李
於此以壓之其曰種李者使此事也開花一十二回春
者為我朝傳世為十二聖也自以為仙人而長生
不死故曰曾見種李之辰神勒寺廣陵津自述其往來
之地也結句云樓上何人識洞賓者宣和遺事宋徽宗

使林灵素作道壇有一尼投入喫飯仍覆鉢於地躡空而去衆取鉢見之詩曰洞賓識得林灵素灵素何由識洞賓人疑尼乃洞賓幻身而此詩所謂樓上何人識洞賓者似用此語也壬辰倭族宣靖西陵人謂一掬左之言果驗矣高

朴判書淳以表接使次萃使啟希稷至吾助川作回瀾石詩韵曰細風吹碧瀨斜照媚蒼屏仙駕淹清景幽杳是素情洞芳春尚早林靄晚來輕對此必多感湘潭水已生歐以賜祭謚來使也荆門人故用湘潭水字王丰山詩襄顏一照自多感回首江南春水生判書之詩亦

出於此体既見之曰詩經清絕湘潭水已生之句案感
我心及回到義州見判書及從事官李正郎山海亭校
理孟時送別之作謂譯官曰諸篇甚佳貴國必尚詩學
故能如此中國則學者只習程文每一省以詩名者不
過二三人而已上同

湖陰晉奉使閑東到处作詩有閑東日錄後一士人与
公讀錄中廣陵早稻詩有側耳荒鷄何處哭驚眠官師
及晨殘之句士人曰荒鷄是何鷄公曰謂荒村之鷄也
士人曰陰陽書中謂夜半鷄為荒鷄鳴則天下大亂昔
祖述中夜聞鷄聲蹴劉琨覺曰此非惡声也蓋夜半鷄

本惡聲而謂之非惡聲者天下既亂則吾兩人可建功
業云爾公曰是矣即令寫手改荒作村近公之二子印
公集仍作荒字無乃概未改本而印之耶上同

歐肇使希稷回到江上從事官李正即山海作詩三篇送
之其末篇曰蜀道輕裝二旣隨星輶西望疾如飛天涯
霸思迷芳草日下敝心統紫微遠塞晚山當驛路
春雨濕征衣慙慙為報新安老一陽雲泥焚亦稀
詩下曰去年以都監宦送迎新安許學士於江上聞與
大人有年分故云上同

華使韓編修世能陳給事三謨遊漢江作詩朴判書忠

元次韓詩韵又別作一詩曰儒仙憶昨海東遊
準擬趨塵上此樓徙倚湖山天若借登臨物色
容全收盡聞記向丁寧語原釋當時取次羞
北望丰仅是何處含香昵侍翠雲裘又題詩
下曰忠元昔在丁卯叨添遠接迎海嶽老先生
于江上今又迎慰而大人于開京上大人招
進于前傳海嶽老先生寄回之語是不忘昔年
陪侍之意深海外輒生一大榮幸故屬和高韵
忘其僭越又次一律以寓區區之意

上同

河緯地字天章為人恭而有礼過闕必下雖雨淖未嘗
辭路及魯山嗣位幼冲八公子強盛人心涵_二朴_一欽年

晉借簔衣於緯地以詩答寄曰男兒得失古猶今頭上
分明白日臨持贈簔衣恐有意五湖烟雨好相尋蓋傷
時詩也丙子与三回等同被秋

曹陵誌

郭再祐壬辰之亂自稱紅衣將軍杖鉞首起連戰皆捷
勦殺甚多李公好夜寄詩曰聞道紅衣將逐倭如逐獍
為言終戮力須似郭汾陽公雪涕厲士遮截水陸兵勢
益張賊望風而走江左湖南賴以得完

海東名臣錄

郭存翁越甲午為安陰縣監与金海府使白士霖守黃
石山城丁酉倭寇大至公躬督戰晝夜不懈士霖欲棄
城走陰使人餽之曰賊盛而逼豈不怪哉公厲声曰吾

已分死無怖矣士霖知不可說潛師宵遁於是城中波
析不可禁謁子婿及吏民等皆号泣以請曰事已至此
願早為計公笑曰此城乃吾死所何計之更為指軍哭
曰不可以藉寇僉悉焚之明日賊登城公毅然踞胡床
神色不變竟遇害蓋公自寇以後以死難自許一家女
婦等亦皆佩以小刀曰即有不幸以此自決足矣前伏
鄴數十日与友人別有詩曰廟堂平昔講經綸此日男
兒有幾人滄海血流腥滿地臨分相勗在成仁其素定
之堅確於此亦可察矣公之死也子履常履厚抱持公
罵賊并斫之女隨其夫柳文席走出城夫為賊所獲

哭曰棄父出為夫也夫被執何用生為縊于樹以死事

聞 宣祖懿之命并旌

忠伏集

趙公宗道丙申為咸陽郡守丁酉賊復大舉而西公上
書于休相乞全付一郡兵民以死効之遂獎平境內批
險守之已而有俞守黃石公即與安陰縣監郭越謀獲
完城壘未幾公適咸陽皆曰守城危又無官守可以去
矣公曰吾既以死許友而賊已急義不可去咸陽子弟
初欲散去聞公之義即從之及城陷公與郭公北向再
拜而死之公嘗有詩云崆峒山外生雖樂巡遠城中死
亦榮蓋其素定如此

眉叟記言

丙子春金汗僭稱皇帝國号大清是年龍骨大馬夫大
而將稱以仁烈王后吊祭而來金國十五子致書于王
上蓋陳僭号之事也時掌令洪翼漢抗疏請斬虜使秋
崔鳴吉請送和使校理吳達濟吏曹正郎尹集請斬鳴
吉十二月賊兵渡江十四日到弘濟院上馳入南漢賊
兵大至圍城中丁丑正月虜求縛送尹和臣備局以洪
翼漢為尹和之首尹集吳達濟亦聯名上疏以尹和自
首二十八日領相金瑬請以吳尹送虜陣是日夕吳尹
出將虜陣气色略無異於平昔上引見痛哭賜酒与
別吳尹亦涕泣拜辭而出因日暮不得往二十九日朝

出虜陣汗執吳尹問於庭下曰汝何使敗兩國之盟乎
吳曰我國之於大明臣事三百年知有大明而不知有
清國僭号遣使身為詔諫安得不斥和此外更無所言
願得速死尹所對則雖不如吳對從容直說小無諂屈
之事洪時為平壤庶尹賊之回軍時我國定差使負離
山縣監邊大中押送虜營二月十二日也二十日到通
達僅胡人等來問遠來之由出食厚饋二十五日到潘
陽汗令礼部設宴享于館所似無相害之意三月踏青
日有詩曰陽坡細草析新胎孤鳥樊籠意轉哀荆佐踏
青心外事錦城浮白夢中來風飄夜石陰山動雪入春

漸月窟開飢渴能僅聊縷食百年今日淚沾腮初七日

相問時洪為抗言不屈

昭代粹言

洪杜谷字定丙子之亂避地太白山下已而聞上出
城無意西還就文山下杜谷泉上結小菴曰玉溜谷有
詩云大明天下無家客太白山中有髮僧蓋以是終老

為訥菴集

外士許格号滄海丙子以後遂停舉業自稱大明逸民
旦並穿到城市年八十餘以壽終其春帖詩云栗里陶
潛宅荆州王粲樓眼前無長物江漢一孤舟李白軒景
顛曾赴燕滄海以詩送之曰天下有山吾已脛域中無

帝子何朝節槩如此臨沒盡焚其禍題一絕曰簇簇千
峯削玉層悠悠一水繞村澄臨流故斫桃花樹恐引漁
郎入武陵以見其志

玄湖瑣談

朴久堂長遠晉以正言製進月課反哺鳥一絕曰士有
親在堂貧無甘旨具微禽亦動人淚落林哺鳥仁廟
覽之傳曰此人父母生存乎承旨回啓曰此人只有偏
母傳曰覩其絕句孝誠非凡一家忠孝令人感歎令該
曹優給米布此誠異教也

終南叢志

辛進士永禧家有文禧公濟集友人曰子之家集可以
印行乎永禧曰我祖雖有能文名而家集所在無一可

傳者晉挽一門生詩曰三十二而卒不幸同顏回此句
外無佳詩與其傳不傳者而賭衆眼譏刺不若不傳之
為愈也

紫海筆談

尹文孝公孝孫晉乞故奉特授全州府尹奉母夫人起
任立小厨街中与夫人共執麤殮公世家南原躬儻山
水以供甘旨必与夫人身執以奉節日獻壽晉自製一
曲曰北有屯山嶺南有智異山願借兩山壽方歲奉慈
顏先自歌之遂起舞悅親之事雖兒戲無不為

海東名臣錄

成庙值亢旱靡神不舉上親禱于慶會樓池过暴日
露坐幾浹辰聞有衆樂声上問之乃房主監察行礼

宴也 上大怒曰天久不雨草木焦卷西成望絕大命
正止予乃避正殿減膳徹樂露禱累日勤苦如此蓋為
民也食祿之輩乃敢張樂娛遊甚亡謂其皆詔獄二十
中人一時就拘乃令其子等上疏乞哀疏入 上大怒
曰渠輩既以無狀陷罪又使其顯蒙冒疏尤可惡也其
拜疏之人盡執以入上御便殿以待遂皆散走栳房至
監察之子不去被執時尚童稚 上親問之曰汝童稚
何以栳不走對曰初為敕父而上章繼受罪安敢逃乎
上問曰此疏誰所作也對曰臣自作之又問書者誰也
對曰臣所書也 上曰汝年幾何對曰十三 上曰汝

果能之乎欺罔罪當誅母隱乎甫對曰作之書之皆出
臣手請試之 上命以旱賦為題其兒立就而書其
末以為昔東海一冤婦足致三年旱願聖上以此軼念
則成湯千里之雨致之不難 上見而悅之問汝父誰
也對曰房王監察金某即臣父也又問尔名誰也對曰
以虬為名 上御筆書諸紙曰自古能文之士不能書
能書之人不能文甫能文又能書見甫文放甫父見甫
父放甫父同僚甫其移孝為忠因肉承傳色史官持其
書從其兒之義禁府盡放之判義禁以下皆候於門展
其書床上遂出其二十四人金虬每值成國忌必

涕泣三日竟是不食肉死後其子孫以其書為障懸

于木主之後壁云

五山說林

聽松成守琛天性至孝正德甲戌丁思甫公憂守墓于
坡州向陽里哀毀過礼有客過其庐感其孝誠投書以
去詩曰成門有二子孝行繼家君啜粥誠橫日焚香哭
徹雲礼神朝与夕謁墓曉無曛一法朱文制當今此始

聞

海東名臣錄

林石川億齡學識有方处心剛直乙巳禍作其弟百齡
陰結權奸倡禍士林公貽訓誡至切至憤百齡不從棄
官南敏有詩曰好在漢江水安流莫起波及守錦山百

嶺遂原從錄奏公於山谷屏處作祭文以投火有詩曰
竹老元處削松高不受封何人与同調窮谷白頭翁至
今膾炙人口上同

朴文憲公元亨位至台極清儉律身教子弟有法其子
贊成安性位未顯時值公生日置酒獻壽公受獻歡飲
至分呼贊成二使前口占曰今夜燈前酒數巡汝年三
十二青春吾家田物唯清白好把相傳無限人門陳盃
酒之間有警責詔訓之義亦可為教子弟之法也上同

曹南真植与三足堂金大有交道最深皆以天下士許
之三足家富其卒也先生視之三足念先生貧乏遺令

諸子歲遺之粟若干以示先生先生不受以詩復之曰
於光亦不受此人劉道源所以胡康侯至死貧不言其
辭受之不苟如此

東崗集

金匱壇堂受業於仙畢翁居玄風晉作詩曰小學書中
悟昨非畢翁批曰此乃作聖之根基曾翁後豈無其人
權松岩好文退陶門人也朝廷徵拜內侍教官公賦詩
曰慙為宦者師家不就仕

秋江冷語

柳西崖成龍之去國其彈辭有云三处田庄甚於鄮塢
當時國家選清白吏西崖与白沙李相公之意也白
沙語人曰此不足為柳相輕重而欲洗奸人鄮塢二字

及西崖之沒家無擔石諸子寒餓殆不能為生郊愚伏
贈柳季華詩云河上傳家只墨庄兒孫蔬糲不充腸如

何將相三千日併欠成都八百索

星湖僊說

申企菴長於文詞而短於吏才為刑曹判書不能聽理
罪囚多滯如牌子等文字亦用詩語曰官威捉致非難
事湏趁東風二月來

芝峯類說

金縷揮重晦姜克誠伯宗郊礪景瑞洪天氏達可俱是
丙戌四人為楔克誠家在南門外蓮池過乘月而會家
甚貧酒肴薄酸天氏曰吾願得一日產一腰之牛礪曰
吾願得不釀自生酒之甕克誠曰吾願得不衣不食之

姜姜一時皆以為三絕。繼輝有詩曰：風流姜伯宗，醞藉
洪達可。景瑞能如此，唯我無才者。

於于野談

朴貞甫公安信。兇度寬儒。晉為持平。與大司憲孟思誠
鞠平懷君趙大臨不啟而拷訊。太宗大怒，載二人于
車，將戮之於市。大憲面如黑色，蒼荒同指公畧無惧色。
舉名而呼曰：汝是上官，我為下官。今作死囚，豈有尊卑
我旨謂汝有志操，何恒恟如是。汝不聞車聲之轉乎？
謂羅卒曰：取尾片來作詩，以磁尖畫而書之。曰：甬賊不
供甘受死，恐君留殺諫臣名。瞋目語殺吏曰：以是上聞
否則我為厲鬼，甬屬無噍類矣。太宗聞而霄威河崙。

成石磷權近等力救得免杖流遠方

海東名臣錄

鄭文翼公光弼近代名相也 中苗朝金安老用事竊

弄威福藉公王之勢欲割受產事牧場為田時公為司

僕寺提調執不可曰國家牧馬之地決難割給勢家待

老夫死後為之安老深銜之時訖遷 禧陵以公曾為

扈護使奉安 先后於不吉之地構捏請置重典 中

苗禽滅死流金海公先已譴罷故懷德村舍不意金吾

即馳至家人皆驚惶涕泣公方對客大博呼盧不輟俄

審未減流配稽首曰 上恩至矣逮夜寢睡曼息如雷

明朝車轡登途無一言見於辭色道中賦詩有積謗如

山竟見原此生無計蒼天懸之句未幾安老敗召還安
老竟受牧場及被罪還收之

黃名記事

申文忠公叔舟天順庚辰以元帥北征深入虜境虜乘
夜來攻營中喧呼叔舟堅卧不起動召幕僚口占云虜
中霜落塞垣寒鐵騎縱橫百里間夜戰未休天欲曉卧
看星斗正闌干將士見其在閑賴而不擾

芝峯類說

仁祖反正之初分沙李璽求為司諫建罷妓樂悉置選
上敕郡邑乃始初清明之一大政也未久遷政府舍人
蓮堂口占曰奏罷梨園為諫名却來蓮閣負風情池塘
水蒲芙蓉冷掃凭危欄聽雨竟前則為舍人者携妓張

樂游宴為事至是無復曰日風流故詩意如此而蓋戲

語也

景遠錄

張叅判立一旅軒顯光之子也姜嬪徵事時抗疏論救

時人語之曰青天白日張立一

楓岩輯話

東皐李相國遺劄入地臣某謹條四件一曰帝王之務

惟學為大二曰待下有威儀三曰辨君子小人四曰破

朋黨之私臣見今世之人或有身無過舉事無違則而

一言不合則排斥不容其於不事行檢不務讀書而高

談大言結為朋比者以為高致遂成虛偽之風君子則

并立而勿疑小人則任置而同其流可也此乃 殿下

公諡并覩務去此弊之時也不然終必為國家難救之
患矣臣切於負忠而臨死錯亂言不盡意申蒙村欽春
城錄曰李相以碩庵元老受遺迎立挺然有大臣風貌
朝野倚以為重臨終有遺疏指論時事以為將有朋黨
之漸新進士類慮不及達至上章請罪不遺餘力極口
詆訾而宣帝不從不十年李相國之言乃驗人益服
其先見吳判書祥詩曰切在宗社澤在民能全終始抑
斯人不待百年公認定是非何累地中身世傳誦之以
為知言云

白野集

韓于浹箕子之後崇仁亟監寔之子也始居泰川後移

平壤年十二讀書于箕子及齋室夢箕子贈詩俾遣方
伯曰尺墳殘城外孤祠對寒牖之句李月沙見而驚歎
以為神語

星湖僊說

李游翁除清風府使公退之餘哦詩不輟時值荐荒薄
奉以滑餓及解敝庫儲糲然無以為薄乃盡錄在官所
製詩題曰江山風月都重記一世傳為美談

景遠錄

金栢谷得臣性魯鈍所讀之功倍於他人若馬漢二柳
皆抄讀至萬餘遍而其中最喜伯夷傳讀至一億一万
三千筭遂名小窩曰億万翁仍作一絕曰搜羅秦漢宋
唐文口沫讀過一萬番最嗜伯夷奇性休飄飄逸氣欲

凌雲

終南叢志

金梅月堂時習五歲能文 莊憲大王欲引見于內承
恐駭瞻輒以三角山舍題時習為一絕曰三角高峯貫
太清登臨可摘斗牛星非徒岳苗興雲雨能使王都萬
歲寧 上哥之賞之以百疋紬時習散百疋首尾相結
取之一端帶之腰拜辭而出百疋盡其身上 上尤哥
之後 惠莊大王即祚有不仕之志剃髮而存髻有詩
曰削髮逃尘世存髻表丈夫 於于野談
仁川君蔡壽有孫曰無逸五六歲時夜抱而卧先作一
句曰孫子夜二讀書不無逸對曰祖父朝三飲酒猛又

於雪中抱行作一句曰犬走梅花落無逸對曰鷄行竹

葉成無逸亦登科

海東名臣錄

李鶴溪山海五歲始受學晉讀書忘食公季父士亭公
念其傷也令輟讀待食公作詩曰腹飢猶同況心飢食
屋猶同况學屋豪貧尚有治心藥須待是培月出時上

亭益奇之

漢陰集

白沙李相國恒福五歲詠鈕琴詩曰鈕有丈夫氣琴藏
太古晉南相九萬五歲詠月詩曰衆星皆列陣明月柿
將軍規此二詩則辭意雄偉可占他日之大貴矣

董雪記

金河西麟厚六歲客令作小詩指天而為題公乃請韻

以呼曰形圓至天又窮玄浩々空々統地過覆燾中間
容万物杞國何為恐顛連人皆驚歎丁丑歲趙相國元
紀之觀察湖南也公甫八歲致見而異之提携撫愛常
置膝上相國占聯曰信宿完山飽梨園之風景公應聲
曰滯留豐沛厭餐梅亭之月色相國又曰兒郎詩筆杜白
主義輩先生外事召吉延壽群又有五百年之期已過
天必待聖人之興救千載之河方清地應生舍世之傑
之句又令製詩賦長篇句々驚人相國以長城奇童天
下文章為題儒生製之

海東名臣錄

李月沙年六歲姆抱坐門外見醉人過前橋時楊花

飛笛聲起公語其事言如歌曲姆哥之告於其父縣令
啓縣令問曰汝能以此為詩句乎公亟口對曰扶過小
橋外楊花爭亂飛何處牧聲笛吹來醒醉耳八歲見壁
上山水画題曰山靄晚不收沉隱高樹溪流深不渡
夜來前峯雨

月沙集

李游衛玄錫六歲詠月出曰日落月復生乾坤晝夜明
長留今夜月天地何時曠人皆以神才稱之

景遠錄

李栗谷八歲題詩花石亭曰林亭秋已晚騷客意無窮
遠水連天碧霜楓向日紅山吐孤輪月江含万里風
鴻何處去聲斷暮雲中調格渾成雖老於詩律者有不

能及也

沙溪集

曹晦谷漢英八九歲時有客聞其才令賦烽鍾一聯即

對云烽傳千里信鍾報万家昏一時爭傳以為神童

馮溪集

安翰林舍世九歲以杜鵑花摘挿硯滴其父舍賦詩即

成一絕曰杜鵑花一萼來自碧山中硯滴生涯寄他鄉

孫客同父見之而泣蓋知其意趣悽苦殊非遠達之象

故也後果妙年登科官止翰林燕山朝被禍

終南叢志

權炭翁九歲有影詩曰一步動時爾已隨微心去處爾

已知悲歡憂樂爾為伴曲直正邪爾作師蓋亦已知致

力操存之方也

茂翁集

李芝峯時年十一菊翁公令賦雪詩公應口即成其一聯曰庭前有月松無影檻外無風竹有聲時稱神童權松坡試石洲韞之庶子也年十二見鰲城家後園三色桃花開踰牆而入折其花枝時王家諸婦女適游後園中大駭而走告于李公李公捽入將撻之試曰我士夫子也不可撻也李公乃以三色桃禽題仍呼韻促之即對曰桃夭灼々暎疎籬三色如何共一枝恰似美人梳洗後滿顏紅粉未均時李公大奇之使之升坐問其門底則乃習翁之孫石洲之子也即往見石洲請與為婚遂以其庶女故之試後登文科官止加平郡守

金直提學干岭兒時抱在乃祖恭胡公從舜膝上有客
得句曰雲收天際孤輪月使其祖公對未及金乃拍祖
肩曰何不曰風定江心一葉舟乎客甚奇之後金果魁
科以文名云

清江詩話

吳西坡道一幼時逐同隊遊戲至杜洞水閣時諸名宦
會集見吳容貌問曰甫乃誰家兒荅曰吾乃楸灘之孫
公輩不知灘爺耶諸人異之問能作詩否荅曰若飲一
大白則可笑即舉觴屬之以三字呼韻並口對曰樓頭
醉卧吳樵一松下吟詩柳道三諸人責用長者名為詩
吳荅曰吳樵一柳道三相會出韵三字安得不甫一座

悚然又有一句曰震收九疑月千古水涵三湘秋万里

趙松谷復陽大奇之竟有東床之美

玄湖瑣談

張承憲天使時李杆城克仁以兒童繼覩天使召問兒
讀何書對曰漢書天使口占曰豁軒牕四壁東西南北
之風使之屬對克仁即對曰治園圃一區春夏秋冬之

景天使甚奇之

芝峯類說

尹孝孫 成廟朝人兒時能屬文其父為設政府錄事

清晨往刺相公朴元亨之門閤人辭以寢不為通日晚

飢困故家謂其子曰余以不才喫辱至此汝須勤業毋

如有父也孝孫書其刺尾曰相國酣眠日正高門前刺

紙已生毛夢中若得周公聖湏問當年吐握勞聖朝其
父不省又往授刺相公見其詩即引入問曰是甫所題
否其父驚惧失措審其字畫乃孝孫筆也乃吐稟相公
令召孝孫至則穎悟不凡極加獎歎時相公有少女方
擇婿入語夫人曰吾今得佳婿矣夫人不可曰吾女豈
可與錄事為婚相公不從竟婚其女孝孫後登科官止
判書^上

李混泉同探得卜居於楊根之義日村其定居詠懷詩
曰抵老生謀拙移居土俗新蓄畬無定業水火少資隣
谷靜樵歌響簷低鳥語親岩花開自落何以荅三春具

眼者以為此詩雖編入唐音必無不之者

景遠錄

蔡希蒼欽胤常誦東州李公敏求虫音繞壁三更靜
火緣惟七月寒之句曰虫繞壁則動也而措靜字火緣
惟則熱也而下寒字豈不意巧而語音乎如此之句雖
求諸唐詩鮮有其類上句

李游翁玄錫晉與諸學士會話坐有一人以燕舍題呼
舟无侯三韵欲寢諸學士公立口先成曰穿花幾語少
陵舟无入昭陽是物无有領只宜如甬相會須投筆覓
封侯諸學士驚服皆閣筆上句

李萃亭惠曾我行于山下詩曰我行于山下杜鵑花已

君抗得三兩枝，故心四五折。吳藥山光運每吟此詩，歎
服不已。又見公枯竹詩二首，貽書願交。其詩曰：林烟孤
不住，枝葉遂高飛。更覺曾雲近，偏憐白雨非。亭二。酬夜
月脉脉送斜輝，入密平生地。出人身事違，尚依乾坤力。
盡露雨露深，臨風強披拂。向日一蕭森，蕭蕭添塞意。淒
長苦心，唯應藏鳳曲。方一吐龍吟。上首

李義湖瑞胃為詩，句語平淡格調清麗。南行途中次思
季韵曰：千村少人事，孤渚但鴻嘶。拂雪僮欲手，臨水馬
試蹄。南天垂海盡，西日與山看。此路何時絕，百年無定

樓上首

李杞園惠曹少時與弟平圃偕赴監試初試作一句不
滿意棄之又作一句又棄之如是者竟日時限過而遂
罷故中路賦有曰丁二聞漏衣青入落二看星曳白做
一時傳誦甫

平圃李憲曹詠月中歎曰垂窠風霜上盤根天地中婆
娑浮漢水恍惚隱仙宮歟落故何處香飄沒半空江南
耐寒樹欲學竟難同星湖公晉曰此詩可入詩話甫

鄭古玉碣順朋之子也兒時隨長者游江陰望見江沙
之間有兩物依二而來或曰人也或曰鷺也忽聞橫笛
之聲始覺其為人長者使碣賦之碣應声口占曰遠二

沙上人初疑双白鹭臨風忽橫笛寥亮江天暮

於于野談

高霄峯敬舍少時神彩丰茸才華飄逸昔押海西妓
為方伯所昵臨別書贈一律於妓裳內幅曰五馬江頭
別故遲生憎楊柳最高枝佳人緣薄舍新態蕩子情深
問後期桃花落來寒食節鷓鴣飛去夕陽時草長南浦
春波濶欲採蘋花有所思妓別霄峯之後在方伯前行
酒忽風飄裳幅微露墨跡方伯諦視之詰其由妓不敢
諦告以窺方伯歎曰誠奇才也後見霄峯之父大諫公
謂曰君有令子才貌雖美行檢則虧矣其父笑曰吾子
貌類其母行若其父方伯呼之玄湖損談

任河西元濬士洪之父也聰明絕世 英廟在燕寢隔

總謂東宮曰古人有擊鉢催詩者七步成詩者宜以雲
為題呼韻試此措大作詩元濬即立製云駘蕩三春後
悠揚万里雲凌風千丈直映日五花文祥光凝玉函瑞
氣擁金門待得從龍日為霖佐聖君

謏聞瑣錄

英宗皇帝復政之日 世廟欲進賀表時崔寧城恒掌

文柄撰進表文 上促召任元濬適間出赴召稍遲

上命鞠之既至則傳曰召汝無時豈宜偷暇已命鞠汝
矣賀復位表則宜製進元濬謝死罪惶死撰表而進有
曰十八載垂衣之化久浹於蒸黎千萬年曆服之長復

故于一德普天之下如日再中之句上喜曰至文之作不可弃之於其表之內可填此而用之依司上諭
御批曰才高一國功可掩罪肯

金仙畢宗直嶺南人年十六應舉京師作白龍賦見屈
金守溫為大提學分與落榜試紙其中有仙畢落試之
賦讀而奇之曰此真他日曲文衡之手惜其高才見屈
取其券入啟上奇之命除靈山訓導時漢江涪川亭
柱上題詩曰雪裡塵梅雨後山看時容易西時難早知
不入詩人眼寧把鰐脂寫牡丹後守溫游涪川亭見其
詩歎曰此真前日白龍賦之手也蹤跡尋之果仙畢也

文鑑如神

於子野談

洪相國星少時為金安老所陷受庭刑甯興陽安老敗
遂光顯其刑也有人言於蘇贊成世讓曰惜夫退之
止於斯也贊成曰此人必有前程豈逃死耶其人曰何
以知之贊成曰曩日課製灋瀨堆詩絕句曰清猿啼不
盡送我上危灘如此詩句可知人休咎云後星竟入黃
閣二十年二十八十二卒詩亦可以占人窮達如是哉
暗牕
軟談

金德齡湖南人壬辰倭亂起義兵遇賊必破賜予翼帟
將軍賊惧不敢近李時言忌其功諶之竟死獄中人至
今歎惜權石洲夢得一小冊乃金德齡詩集也其首一

篇曰醉時歌一曲無人聞我不要醉花月我不要樹功
勲醉花月也是浮雲樹功勲也是浮雲我心只願長鉤
奉明君覺而記之作一絕句曰將軍昔日把金戈杜志
中催奈舍何地下英靈無限恨分明一曲醉時歌菊臺集語
姜沆靈光人文科以前佐郎丁酉倭亂全家被陷中路
再投水為人所救不死在虜中間遊倭中之有識者訪
採虜情甚詳從便奏報上甚嘉憐至是虜人之受夢
于沆者私具艤楫全家還國士子隨正者亦十餘人沆
錄其時所聞著篇上奏上賜酒問倭情欲官之抑於
時設卒以禁廢遂鄉居教授鄉人立祠敬之而著看羊

錄初以中車錄為篇門人尹彛舉改以看羊蓋沉之密
疏來報本朝權輿聞之知其不死作詩遙慰有節為
看羊落書從白鴈傳之句故採以名之云沉在倭時
一將倭寄一扇沉以詩謝之云一幅縑藤陳二風寄來
深荷丈人情偷生每耻看天日從此殊方掩面行倭人
稱歎

春懷日月錄

金河西麟厚晉得句曰映山紅映斜陽裡久未覓對一
日李佐郎後白至語及之李見生地黃生階乃曰生地
黃生細雨中河西然之

清江詩話

成汝學詩才之高一世寡倫而至今六十未得一舍之

宦可歎其詩曰草露虫声湿林風鳥夢危又曰雨意偏
侵燹秋光欲深詩其語雖極工而其寒淡蕭索非榮貴
人氣象又有李廷冕洪男之孫也身短而面有瘡自号
短瘡常於雨後有詩曰庭泥橫短輞壁日冱寒蟬其友
李春英每稱其妙而斥其窮後果登第未幾而死蓋庭
泥短輞賤之讖也壁日寒蟬天之徵也尹坡潭善有一
聯曰宦遊千里蔗甘盡世事一春花落忙柳夢寅在座
曰年少人何作此語果未久而夭

於于野談

魚無迹詩曰食葉蚕声綠樹陰中湮秋雨彈綿弓鄉音白
雲堆裡動春雷世傳真有声之活画也

楓岩輯話

有諸儒士會話朴淵下共賦詩有一客踈脫不知何許
人負筇而至衣冠藍縷諸儒侮其人謂曰汝能作詩乎
曰諾遂先書曰飛流直下三千尺疑是銀河落九天之
句諸儒相与冷笑曰君詩何太功省蓋嘲其全用古詩
句也客即尾之曰謫仙此句今方驗未必庐山勝朴淵
一座大驚曰朴淵形勢盡於此詩登輦無可更賦其客
即落拓士鄭氏秀也

終南叢志

金栢谷得佳景於龍湖亭榭有一絕云古木寒烟裡秋
山白雨過暮江風浪起漁子急回艍人皆誦之 孝廟
嘗使画工繪禁屏也書下此詩舍模進此詩之景索曠

世之盛事也

楓岩輯語

蔡湖洲裕後皆往東湖與承旨李元鎮同舟而遊湖洲
醉甚誤墮江水李公急救拯之湖洲即吟一絕曰但覺
酒盃淺不知江水深舟中李育在肯使屈原沉一座稱
佳

終南叢志

庚申換局後南人或竄或死亦多磨瘡李叅判堂揆之
卒俞判書夏益以詩挽之曰親知屈指幾人存半是三
危半九原忙悵世間餘一老廣陵殘月又招魂辭語悲
楚見者哀之金公壽興壽恒先後大拜俱位上相已巳
二月南人復秉政二公俱謫遠地仲病卒季有後角其

伯都正壽憎在村莊挽李判書翊相詩曰牢落人間後
死悲更無餘淚及親知青山好葬如君少宜向泉塋作
賀詞令人墮淚不能再讀

閑居漫錄

壬辰大駕行在龍灣李五峯好閔製教書諭士庶曰涼
秋乍動過地早寒地維已盡予將何做瞻彼長江亦流
于東思做一念如水滔三辭意懇到聞者莫不流涕反
字之感人其易如此

芝峯類說

黃櫓原慎於丙申年間以天將沈惟敬接伴官入釜山
倭營久處賊中又以通信使赴日本危困極矣而少無
怖色竟得全還其誓海文略曰豺虎叢中既持二年之

節較龍窟上又乘八月之槎捐軀是甘稽首自誓某遭
時板蕩許國駢馳雖險阻艱難備嘗之矣然州里靈貺
可行乎哉賴有棗赤之不渝可質上蒼而無愧救千里
行役何敢一毫憚勞三十年工夫正宜今日得力苟可
安社利國死且不辞如使辱命失身生亦何益云云辭
甚精工上同

金慕翁安國為宣慰使時日本使弼中請以讀易為題
仍呼險韻慕翁即立曰大美元不和梅蘆至妙難形筆
舌尖靜裡默覩消長理月圓如鏡又如鑲弼中擊節歎
服又人請以半月為題呼韻即成曰神珠缺碎鬪龍魚

剗殺銀轡半蝕蛆顛倒望舒仍失馭軸亡輪折不成輿
其能押僻韵如此有

李判書後白少時犯路於方伯方伯令製詩公即呈一
絕曰遠郊斜日眩西東撲眼崖沙困北風誤觸牙旌知
不恨浪仙從此識韓公方伯大加驚歎礼而遣之有

李梧里為都憲時論竄洪天民其子瑞鳳後於梧里表
有挽曰冥途照處為華月平地看來差泰山其母見之
曰詩固好但此人於汝有嫌何稱道之乃爾瑞鳳曰不
挽則已苟挽之不可以私而廢公論乎母即於于柳夢
演之妹也亦能文瑞鳳凡有作必徑覽云瑞鳳字鶴谷

朴西溪過漣川大灘詩一聯曰逐水艇將紅葉下眠沙
人共白鷗閒警絕可誦

菊圃集

任萬休有後有詩曰寂寞森陰境復幽賞心終日坐岩
頭無由禁爾奔湍去纔出山門合野流竊意孝宗朝
廣松山野之士參錯於朝列被召諸人或不免小草之
譏且助朝紳黨同伐異之勢纔出山門合野流七字模
寫盡矣此詩豈在其時而有為而作歟

白野集

洪海州錫龜強記多製其言語述作索有大過人者宰
北邑登鐵嶺題廟寄諸弟曰鐵嶺三韓盡蒼忙出塞情
山河故國異宇宙此身輕海內無知己天涯有去程暮

虞千嶂合何處望京城五六句道人所不能道上音

予春亭季良掌文衡然文章軟弱文士金久罔以能
詩鳴世每見春亭所製掩口大笑一日春亭告暇游別
墅村庄偶占一句云盡白連天江都曉暗黃浮地柳郊
春自負得美聯將入京上奏有人言諸久罔久罔曰詩
甚鄙拙羞上奏則是罔上也我昔有詩云驛亭把酒山
當戶江都哦詩雨蒲輕此真上奏之詩也其人復告春
亭春亭曰當字未穩不如改下臨字其人又言諸久罔
久罔曰人謂春亭不知詩信然古詩不曰南山當戶轉
分明其人又告春亭春亭曰古詩不曰青山臨黃河久

固真不知詩反笑我為一日春亭作樂天亭記招久固
使觀之久固曰此記論性理酷似中庸序久固為人特
才凌人以後進輕蔑前輩春亭心亦不平遂成嫌隙而
終不得一顯宦

嘯齋叢話

華使陳翰林遊楊花渡賦詩有怡字人有次其韵者皆
羞淡車崖金之平公遂次曰江深西舸唯須泛山遠晴
雲只可怡陳公曰山中何所有嶺上多白雲只可自怡
悅不堪持贈君二真得其趣也上同

郊相國孫未第時与雪月堂金公富倫同棲山房晝夜
坐聯句公首吟曰星斗在天二下仰金公驚曰他日必

居廊而負山斗之望目續吟曰波濤駭海二中驚

集

朴叔閑守良江陵人以龍宮縣監退隱于鄉金冲菴自
楓嶽往訪以躑躅杖并詩贈之曰万玉層岩裡九秋霜
雪枝持來贈君子歲晚是心知公和贈曰似嫌直先伐
故為曲其根直性猶存內鄉能免斧斤蓋戒其避禍而
冲菴竟亦不免惜哉

芝峯叢說

姜菊圃樸每稱蔡希菴彭胤詩至是湖舫故期晚世事
山燈睡意遲之句曰雖只有此一句亦足以傳後矣

藍雪
記聞

李松谷瑞雨七夕夜與諸學士會話先成一句曰七夕
夜如茶使之屬對蔡希菴彭胤對曰五更星有參

上同

鄭監司始成 仁廟己卯登別試文科及試策以將相
為同公對有曰江都老相罪閑宗社西塞元戎以賊遺
君今日將相得乎否乎蓋丙子之亂尹政丞昉以年老
大臣奉命社至入江都失其位版金自黜以都元帥在
閑西擁兵不救故云時尹相之從子為考官見此文垂
涕而背坐諸考官取以為第二名 仁廟見之噴稱
善曰此史筆也遂除翰林上

李參判匡德曾在湖南巡營作詩曰安石榴開箇二尖
斜陽照雨見纖纖甚朋坐睡琴娥去一樹梧桐碧滿簾
趙豐原顯命病其氣像不佳語之曰下語不可若是刻

削也仍次其韵曰階竹筍抽晚翠尖。榴花老落紅纖。
懶揮朱墨登樓去。十二欄頭妓捲簾。
上同

姜菊圃樸挽申校理致謹曰深樹黃鸝啼復啼。玉壺芳
酒意悽。小橋斜日駢蹄歇。何處青山草色迷。金馬可
能容傲骨。風車未必礙層霓。難忘最是眉間氣。醉態詩
愁而不低。丘世挽詞必叙其門閥。鋪其言行。論其官職。
之踐歷。記其子孫之多。小殆同誌碣行狀。而姜公此詩
脫却陋習。善夫且落句可謂空中之氣象。
上同

任道三自幼時有奇才。六七歲時。晉學史略初卷於里
中人。其人強其所不知而教之道。三讀至春秋戰國。便

曉文義遂覺其師之誤授而自讀之其穎悟如此又讀
唐音絕句數十首即解作詩語驚人其扶餘懷古詩曰
直遙百渚旧山河舉目其如感慨何伯業長空孤鳥沒
繁華廢寺一僧過層巖花落春無迹古渡龍灣水自波
最是隔江明月夜不堪風送後庭歌上南

吳藥山光運挽沈正字景天曰黃庭一字暫徘徊正得
人間幾字來荆樹橘林無吊處上南天祠下問天迴蓋沈
即韞天相國守慶之後孫而無兄弟且無子故云詩意
甚巧上南

李鵝溪山海旨以大司成試士泮宮詩以陌上花為題

有一試券文甚賧麗鵝溪歎賞不已讀至錢塘當日伯
業開故國魚鹽三十州黃金堆屋斗量珠白日歌鍾喧
玉樓等句鵝溪嘖曰懷古之題有繁華气象作此詩
者其必富貴乎遂置第一拆封而見其名則乃李漢陰
德馨也時年十五鵝溪以女妻之音

吳舍修贈赴燕使詩曰東國有人悲漢水中原送客回
黃河趙豐原顯舍為吏判時見而歎賞用為金吾郎音

崔守良昭陽江詩曰昭陽江水忽翻紅日出香炉第一

峯三月烟花開爛熳登高岸幘醉春風其詩豪爽可愛音
金判書昌協游山賞花詩曰城裡看花二欲盡入山又

見杏花新自知難賞風流罪偷占人間兩度春語意甚
新也音

許眉叟贈法涸上人書曰其生也如浮雲寄於天末其
死也若微雲散於碧空其中唯有長空片月萬古長存
唯一靈知覺之不滅也昔見李判書德壽罷釣錄二此
文蓋好之故錄之而無評語可訝音

李白沙少時上山寺讀書空及多鬼魅之變日暮人無
敢入者公欲乘月往游僧皆力挽之不聽而去有著弊
笠衣布衣身長而面醜者立於前先作一句曰月色琉
璃滑秋光錦繡堆使公續成之公亟口即對曰何山何

白骨清夜掃吟來其鬼拜而去曰他日必大貴矣上同

或問金昌翦之孫曰三淵翁以蔡希蒼之詩為何如荅
曰平生未嘗聞毀譽之語每值月明則輒誦古人好句
亦吟天門只隔崇朝路江漢雲橫盡日舟之句此句乃
希蒼挽權相國大運詩也上同

沈齊賢與安應溪鄭壽俊韓舜錫出寓於長興洞同做
儂文聞南隣沈判府事家為迎婦設宴四人共作乞酒
啟献于沈公二見而歎賞優送美酒其文曰惟酒無量
即先聖之徽言以飲為名亦古人之能事是以嵇叔夜
之養性何忍掃醒李謫仙之耽盃但願長醉長安市上

解金龜於賀監習家池。過倒接罹於山簡。隣家盜飲何
害吏部之風流。里舍酣歌不妨丞相之視事。況詩人愛
之如渴。惟君子不以為非。伏念小生酒人。乎游醇儒者
類。平生性僻。不愧愛酒之天。痛飲形骸尚阻。豈醴之地
。歲名酒肆。盡度三十春光陰。通籍金門。竊期一千載際
會。近與二三子同榻。自喜九中朋。盍簪少時尚奇。鄉貢
進士韓愈。中年游藝太學。書生何蓄。一飲則三百有餘
。薄技則中六最長。涼生書幌。不堪潘岳之愁。雨泚文園
。茲有相如之渴。荷花無語。商飈傳十里之香。梧葉初凋
。佳節屬三秋之序。杜陵菜裡嘆青錢之無儲。彭澤門前

嗟白衣之不来是以一飽之有收聊得半飽之偷閑伏
惟相國憂國細傾居家最樂芝蘭薰室郊當時之延賓
蓼木盈籠伏梁公之愛士雞皆好於鳳穴白眉最良人
如登於龍門青眼相對適當百兩之御欣覩九十其儀
酒肉如山釀洞庭之春色車馬填巷闢華筵於秋風軟
帳飛騰方設南隣之高會緇帷寂寞自憐西河之孤吟
月白風清良夜何謾羨蘓子瞻之有肴有酒天朗氣晴
是日也盡負王逸少之一詠一觴傷哉貧賤之堪羞或
者高明之垂察呼兒將出美酒一舉手間吹水願添金
杯再拜足下上同

李正遇亦近世奇詭之士也常着簑笠自号簑笠翁其挽
人詩曰流水江過有酒家其於丹旄去舟何太平時節
人間世士女春郊擁翠華字句間無悲悼之言而言外
有無限悲悼之意可謂絕調矣上同

吳燕超尚濂昏往親知家有客以硯滴翁題呼秦因仁
三酌欲以寢之公應口即成曰河濱遺物過周秦吞吐
清波丙穴因貌似玉山心貯水孰為其智孰為仁一座
皆驚肯

丁卯虜亂尹監司暄在閑西巡營奔城而走遂伏典刑
李澤堂植作挽詩曰衝飈吹裂五牙旗白日高城鼓響

襄鄴下官軍先自潰河南虜馬果誰支丈夫等死今餘
恨明主寬恩稀不私早識斯文房次律功名只合置台
司第三聯善言人之所難言而辭意不迫非妙於詩者
能之手上同

讓寧大君視自少能文章而見世宗聖德陽羨不知
書者猖狂自恣雖太宗亦不知其有文也晚歲題僧
軸曰山霞朝作飯蘿月夜為燈稀宿孤岩下惟存塔一
層雖孝為文人者未必遠過之紫海筆談

三淵居士金昌翕晉游京山入一寺有一貴家子盲一
目者亦到見居士頗困之使之作詩以免罰即對曰遠

客來山寺秋風一杖輕直入沙門去丹青四壁明其人
稱贊不已故告其父曰居士亦有能詩者仍誦其詩其
父責之曰汝不知其詩之嘲汝乎遠客即謂目盲之客
也一杖即謂瞽者一相也直入沙門即謂盲人直門也
丹青四壁即謂盲玩丹青也畫雪記聞

睦直長天任与李弼善某同研田交也李先登第為考
官書与私標於直長使之用諸試券直長不受以詩答
之曰絳霜老樹花心少羞乞東皇分外春上同

申青泉維翰酷愛明人詩文以王弼州為宗詩亦主
李漣濱首題蠹石樓曰晉陽城外水東流叢竹芳蘭綠

映洲天地報君三壯士江山留客一孤樓歌屏日照潛
蛟舞鈎幕霜侵宿鷗愁南望斗過無戰氣將壇笳鼓半
春游其詩奇健道拔可為名家上同

蔡希麓挽吳持平尚友詩至今膾炙人口詩曰毒瘴消
肌雪變髭八十來徃一班衣南溟直似中門限西日遙
分下嶺揮草抱苦心春不待霜隨宛牘夏堪飛可憐天
外憑闌望猶信孤航早晚故蓋吳公居母憂不勝喪其
父尚書久謫耽羅而其夫人訴冤故詩意如此以余前
日所聞者皆云南溟近作中門限今見文集近作二字

誤矣上同

李達晉客游湖南有商人賣錦段其所賙人欲之而無
何乃作詩呈邑倅崔慶昌曰商胡賣錦江南市朝日照
之生紫烟佳人正欲作裙帶手探粧奩無直錢崔大喜
厚給其何達因是有名

其峯款說

鄭道傳都評議司記云堂字譬則君也棟樑譬則相也
基譬則民也基當全厚棟樑當安然後堂宇得以固緻矣
棟樑上以承其宇下以藉其基猶宰相奉君父而厚民
庶也入此廬者視其宇思所以奉吾君視其基思所以
厚吾民視其棟樑思所以稱吾職凡以堂室基址取譬
者多矣此論尤完備無罅漏天下有可廢之人而無可

序之言者信矣 星湖僊說

尹相國趾克為仁同侪也行過鳥嶺有一寒士弊衣破
笠駐馬路傍謂僊從曰願有所達尹相國為之暫停士
曰偶占詩一聯欲以稟質尹相國曰何如誦云盤根並
地輓當逢老石躡溪席出林相國稱詡之謂店不遠子
肯臨訪否士許之約信而去既而候之不見相國每為
人言恨當時不能駐驂款話彼必以我為非其人也後
相國樹立卓爾無愧詩語則遂傳為美談也 尚

李敏求遊金剛山贈八十九歲僧詩曰蕭寺重逢瑩上人
依然水月旧精神明年再叩維摩室政是禪門九十

春李姓追到見之謂先賦明年事次其韵云此僧年紀
如相問九十前頭少一春人謂更親切以余觀之意味
風韵迥不及前作 旨

楊蓬萊士度神仙中人也其筆似之人但知筆之出左
而不知其詩之非世間語矣其玉流峽飛仙橋贈遠師
詩云天涯一樽酒落日寒澗中霜華如黑貂弊万里閑
山路不窮征鴻衰於曉月落葉響於西風親旧絕於左
右嗟我誰与發蒙行鶴城館忽逢天逸翁詩到天逸
難為工手持青琅玕來訪惠遠公鍾清碧歟掩鶴去瑤
埴空旅人兮旅人淹留一日忘却放心東復東明朝鐵

嶺外望相思惟見海霞紅其楓嶽石刻詩曰白玉京
蓬萊島浩二烟波古濫二風日好碧桃花下閑徃來笙
鶴一声天地老金水亭石刻詩云綽綺琴白开心一鼓
復一吟鍾子是知音冷二盡籟起遙岑江月消三江水
深有人昔游此地已閱數十有餘年而夢想猶勞杜子
美云焉得思如陶謝手令渠述作与同遊更令人起遐
想

上同

李弼善國休舟行一聯云帆將岳色忙心去雨捲灘聲
急脚來此佳句可傳又故自峽誦其一律云去天不遠
曾何境終日而行又此山排壑老龍川勢壯隱崖咆席

石盤頑。朝來試出深。洞平地。烟花踏世間。無起聯篇。
不成有人。試賄缺云。峽氣噴沍。碧岫環征人。匹馬陟孱。
顏此急於補脰。忘穢佛頭權上。舍子羽學詩於蔡學士。
仲耆其詩云。殘花惡樹羈縻在。小雨將春寂寞故。大為
學士稱誦。上同。

庚申之後。府院君某訪申判書。晨時庭果新熟。申取幾
顆送與人。招小婢子。令手閱諸其收。然後取而親自封。
款密去。若干顆併書付去。既至。果見欠闕。申聞即發怒。
刑婢。竟誣服云。踏間甚渴。不免偷啗。申遂以密去者。
若干出視云。婢本不偷。而刑重則誣服也。仍誦近日所

作一絕云棋檟垵上画群公第一
声名博陸功何似城南病學士
百花叢裡醉春風其言可以泣冤
鬼於冥之中耳音

李忠武舜臣武人也壬辰之功忠武為最有詩曰抵海
魚龍動盟山草木知瓦像可見音

孫桐祖栗補箕裘華國文章第一流楊子夢中成吐鳳
庖丁眼底欠金牛人間未畢抽金積天上誰催記玉樓
惆悵九原誰可作遺書應傍茂陵求此朴欽年挽尹大
提學淮詩也人但知公挂天地貫日月之大節不知文
詞之圓蒲如此敬以錄之所以懷仰其人也音

鈕外稱皇帝人間託子規梨花古寺月啼到五更時此
鄭古玉碯詩也其始下有二聯云游子千年淚孤臣再
拜詩愁腸一吐斷何用苦催悲李敬亭民歲謂之剩鄭
即肯之云肯

松谷之詩長於詠物其攬車曰雙橫双立形如舞執厥
兩端用厥中揮手攬來聲軋軋白雲晴電各西東攬車
者今倭木綿除後之貌也雖巧而近俳又如白燕詩一
聯云真珠箔上聞聲別白藕池邊過影迷此不出於前
人套習也題人江亭一聯云危欄落照懸春釣高棟浮
光接曙河殆於神助爾肯

傳颺馳雪曉來深寒透將軍病卧衾平明強起彈弓坐
尚有陰山夜獵心此柳大將赫然詩近世武弁之能詩
筆者以柳為第一柳以才哭擢用位至崇班冤死於庚
申之獄偏裨士卒莫不垂涕音

慎徵士懋慎氏之庶出也識明行高有名當世且上書
論國家大計拜之官不起故老於嶺東有詩曰常恨荆
山泣玉人楚王當日未曾親雖然不憚頻繁苦終作連
城萬世珍踈籬草之閒無非欲試新竿掃田磯嘿第一
生多少事中年以後計非蓋以平生作上下截看其
意亦好又晉賦梅曰貞故無爭謙故退世間誰是識梅

人消長未了前年事莫道先春是後春詩多類此

上同

柳夢寅先海之遺臣也以孀婦詩誅死其詩曰七十老
孀婦單居守閨壺慣誦女史詩頗知姪姒訓旁人勸之
嫁善男顏如槿白首為春容寧不愧脂粉其意蓋效胡
元楊廉夫老客婦謠而為之也明高皇帝徵廉夫修元
史欲官之廉夫作此詩示不屈乃放之故惜乎二人旨
同而事異也

上同

朴司諫光佑字潛昭堂乃乙巳遺直也其題江陵月靜
寺詩曰松槽陰森一逕通入門初見旼扉紅千層宝塔
回飛鳥八角神鈴響半空法袂謾傳王子迹居僧那識

世尊功鍾鳴忽作文殊會玉座香烟万壑風可以見其
乞漿矣音

洪斯文字定登清風寒碧樓有詩曰宇宙一男子清風
寒碧樓臨軒發長嘯江月五更秋其卓犖不羈如此音
李上舍復運詩曰懶村居士借村丁牽馬如牛馬不行
到華山知近遠石榴牆下午鷄鳴此可入西譜一回吟
諷神惺眼明恍若目見也李又別咸鏡道都事崔某詩
云秋陽晞髮卧蒿蓬世上惟君在夢中綠水芙蓉初北
地青門楊柳又西風十年京口無錢活方歲橋頭有路
通行到妹城應駐馬朔雲閑月一尊同亦膾炙人口李

即鵝溪李相之後有詩名卒坎坷不遇云

上同

金德誠字景和号惺翁立節於唐母之訖謫海南俄而
北遷明川又移穩城戊午又移嶺南作詩云南遷北謫
又南遷四歲三呼漢水船津吏不知因田罪謂言隨處
作新愁癸亥改玉擢用至顯官 贈謚忠貞

上同

南尚書二星謫白川時鄭維岳貽書言吾叔今年運氣
不佳願勿過飲蓋鄭即公之戚侄而解談會故以此勗
之也公不荅書只於牘背題四韵詩以还之其一聯云
万事懶從詹尹卜一生長恨楚臣醒警切可喜

農叢集

林塘鄭公出於累代卿相家身亦作太平宰相時國家

設厲壇以祭北路戰死之鬼林塘有詩曰聖朝枯骨亦
沾恩香火年一降塞門祭罷上壇雷雨定白雲如海蒲
前村題甚淒楚而詩却富麗有無限餘韻昔作夢餐亭
春帖詩曰白髮先朝老判書閑忙隨分且安居漁翁報
道春江暖未到花時薦鯽魚吟來不覺口角津生饒
延此真富貴氣像也

陶谷集

林白湖豪俊能詩少時以評事赴北幕風流勝跡北人
久益追思及白湖病革其友以鏡城判官將赴任就別
曰子於北路固不能無情吾之往也必欲得子詩使佳
妓歌之今子之病甚矣奈何白湖即扶起取筆書一詩

以贈曰元帥垵前海接天曾將書劔醉戎氊陰山八月
恒飛雪時逐長風落舞筵未久而逝臨死之作凌厲豪
逸猶如此平日之氣象可見矣上同

吳尚濂者始壽之侄也有人入試院見其程式詩頗佳
固已才之矣厥後文名藉甚為自中翹楚其諫三田渡
碑詩曰麻浦胡書碣孤城憶解圍徒聞千乘國未見一
戎衣將帥無籌策文章有是非朝宗迷田道江漢欲何
敝句三有意致真佳作也充其才足以高步一世而聞
其早夭可惜哉上同

李提督如松之敝也要我國公卿侑士皆有詩為別篇

什甚盛車天輅作百韵排律極意馳騁意可壓諸公最
後崔簡易詩成寂寥收韵耳車就讀不覺失色宵然喪
其百韵遂自取其詩裂去不出簡易詩云推轂端須蓋
世雄鯨鯢出海帝憂東將軍黑稍元無敵長子彫弓最
有風威起夏州遠自重捷飛平壤漢仍空輕裘緩帶翻
閑暇已入邦人僧素中其沈健渾雄宜有以服五山之
浮夸而五山服善之誠亦可重也

忠義集

俞潘溪好仁 咸通朝學士最被殊遇及敝觀嶺南

上角中使趕於中路搜其詩藁以來其登鵠嶺詩曰北
望君臣隔南來母子同 上称歎曰此人忠孝俱備

忠義集

吳達濟在虜嘗有寄家詩其思親詩曰風在南北各浮
萍誰謂相分有此行別日兩兒同拜母來時一子掃
庭絕裾已負三遷教泣像空悲寸草情因塞道修西景
暮此生何日更做寧其思君詩曰孤臣義重心無忤聖
主恩深死亦輕最是此生無恨痛北堂盡負倚闥情其
思兄詩曰南漢當時就死身楚囚猶作未做臣西來幾
涉思兄淚東望遙憐憶弟人魂逐旅鴻悲隻影夢驚池
草惜殘春想當彩服趨庭日忍對何辭慰老親其寄內
詩曰琴瑟恩情重相逢未二暮今成万里別盡負百年
期地涵書雜寄山長夢亦遲吾生不可卜須護腹中兒

哀辭苦意備載於此聞者莫不悲之

昭代粹言

鄭希良傳學能文章治易善教性卓潔寡合登第仕翰林年三十七憂結倚庐于豐德縣占推步俯察仰視知時事將亂思欲脫身邁跡有山僧往來相与定謀時：稀登山隴負手徘徊入則垂泣齋僕以為思其親也五月五日山僧至希良仍遣僕隸涉遠樵採便与逃去笑及暮人还來訪追到祖江沙孺則但有表冠素履与杖而已時以為赴水也後數十載慕翁為按察止驛樓壁上題詩曰風雨驚前日文明負此時孤筇遊宇宙嫵席并休詩墨跡尚淋漓慕翁大驚詢于驛吏對曰俄有雲

衲老僧携二沙彌登樓吟眺館人揮之使退不肯去望
見騶幢徐下楼慕翁知其為希良急散騎士旁搜不獲
慕翁後遊一寺見壁間詩有鳥窺禪院空僧汲夕陽泉
之句亦以為非希良莫能也然頭顱居止了無声闻猶
駱賓王之於唐世也希良娶妻踈弃不見面其妻老居
祭端午以為忌埋妻表以為墳祀之至今云

牛溪集

鄭叅政復始年十二陪其父過沃川亦登津遇一文士
將韵公即应声曰多少行人忙裡過白鷗閑泣水中天
之句觀者奇之遂刻板揭之樓上

同春集

宋翼弼栗谷李珣之徒也有能詩声其詩曰花欲開時

方有色水成潭處却無声先輩皆稱之

燕起齋集

車天輅号五山以文章鳴受知穆陵坐欄入試鋪下

王獄供辭有曰三叩扇一揮筆章已成矣謫鏡城上

憐其才密遣中使有曰者持酒肴袒之道將行出一筆

請題其面援筆立成書曰万死孤臣罪全生聖主恩

長沙何處是十里雪山昏上猶覽久之歎其傾陽之

誠不替也慮其憂悵有輕生志密命節度使救設宴飲

以慰之不令知為上旨也車後知之感激揮涕後量

移洪川李東岳時分符茲邑之酒之歡淋漓皆令官妓

松月薦枕車醉不省翌日東岳復邀飲時官妓在坐者

凡十二間其所賄者車索不知索牋書一絕曰驚透疎
簾醉不知滿庭松月影參差朝雲不入襄王夢十二巫
山望更疑上句

趙公宗道為安音察訪時倭使玄奘來公從接伴官以
待之玄奘見接伴詩嘲侮之公即步其韵以贈曰宗道
其名字伯由醒無思慮醉無愁有時吐氣虹霓直万丈
光輝鬚斗牛玄奘驚服再拜揚壁而觀之大笑軒集

許眉叟詩曰朝日上東嶺烟霞生戶牖不知山外事墨
葛鴈料料有請禁料料休者故詩意如此其蕭洒出羣
淡泊無營之氣象可想矣欽定四庫全書

吳燕超尚灝晉往謁李松谷瑞雨頗有苦吟之色燕超
問其故松谷曰偶得山風吹作嵐一句而未成其對子
能對否燕超即曰以喬木卧成橋為對則何如松谷大
奇之音之音

金昌協少時游嶺東自楓嶽轉向高城高城有一妓姿
色絕艷欲以入眼者為夫求之多年無可意者道伯及
別星欲押之輒死拒之累受刑杖終不屈及金入見王
侔王侔召其妓而謂之曰此秀才乃金尚書之子也容
貌美如冠玉文章稀步一世當今之時欲求佳匹無踰
於此子今夜汝其薦枕其妓諦視之果入已眼其夜遂

往金珠館昵倚敵媚金落：無歡接之意夜深就寢其
妓心以為差失此佳士則將盡送一生莫如強逼之遂
解衣入衾金不顧翌日大雨下四日不歇霽後川漲路
阻金不得已留九日其妓連九夜同衾金終不近之其
妓泣告于金曰妾雖賤人豈不知有廉恥二字而冒沒
入衾者竊慕秀才之風來欲遂平生之願也踈之至於
此願聞其故金曰吾見京外之娼妓多矣未有如爾之
絕美者一与之押則將終身不能忘情故斷慾於初矣
吾當賦詩以贈汝其取紙筆來其妓乃進錦囊金遂題
一絕曰珠館誰憐客枕寒枉教雲雨下巫山終宵不做

襄王替兵為明朝雖別難其妓別金後稀居守節日夜
悲恨人爭傳說播於京中金之親戚知田皆誚其薄情
金登第後委往高城與其妓三日同宿即上來及金之
沒其妓聞訃而來朝夕輒躬炊飯手具膳以供祭奠三
年之喪畢乃辭去金之家人強留之其妓曰大監生不
肯畜我死豈欲留我乎遠大監之意而留大監之家是
豈事死如事生之道乎吾之來也為終三年之喪也今
終矣不去何為遂做故鄉終身守節云尚

李芝峯時先東州敏求父子俱以詞翰名家稱芝峯長
於詩東州長於賦東州曰先人詩尚摩詰余詩尚杜陵

其意蓋亦自多而評者以為造詣則子必不及於父云

東州帆檣影動潮生後島嶼分水落初雖為人傳誦

一句中以潮水生落為對未免疵病不若乃翁風捲潮

聲喧島嶼日斜帆影上樓台之為穩藉無疵

後南叢志

李芝華與一士人游今四十年雅操出處歷盡世變未

嘗少挫亦能見幾而作免於機穽真所謂金玉君子也

今以卿秩來補外出守順天府送其詩卷中有七言

近体二首暮年身世澤炎鄉治郡無能坐哺長春燕不

來閑院落晴波欲滿小池塘紅梅影下文書靜綠橘陰

過几席香衙罷閉門人跡少隔牕啼鳥又斜陽檻外池

光染綠苔一簾微雨欲黃梅
衡居寂寞門長掩公退尋
常印不閑盧橘香過山鹿睡
石榴花下恹禽來軒牕盡
日清如水輸興騷翁畫夢回
格韻清麗自不可及芝峯為
詩力追古人欲與景龍開元
諸子鴈行中唐以下不論
也文亦嫩有範

象村集

李芝峯一生攻唐閑淡溫雅如風生九塞秋橫劍雪照
三河夜渡兵牕聞小雨天難曉城枕寒江地易秋等句

皆佳

壺谷詩話

李爾瞻之當路也奉命西閑其子大燁從行李白洲明
漢贈詩曰文星正與德星俱千里湖山興不孤想得西

閔新樂府一時爭唱鳳將雛及爾瞻之敗物論少之余
謂不然爾瞻之惡未著其物望不在白洲下同為玉臣
一時推獎豈有異事世道朝暮翻覆黑白交爭或人有
始善不可以終惡而掩之況詩贈酬者耶詩語甚美不
可沒

星湖僊說

徐孤青起七歲學于里中書堂書堂將罷作文呈于先
生曰書堂長勿毀使我讀聖賢先生歎賞知其非凡兒

也

海東名臣錄

趙龍門是幼有異稟語輒驚人晉泛舟漢江文士多會
令作詩即曰青山面之立漢水悠之下栽洋山水間誰

是知音者一座驚歎其時趙年纔十餘上音

姜仁翁希顏西詩書三絕狎步一時詩似韋柳西似劉
郭書無王趙為人有才有德真大人君子也晉登楊州
院樓題詩曰有山何處不為庐坐對青山試一居簪笏
十年成老大莫教霜鬢賦故欺永川君定見而拜之且
批曰此詩逼真太甚非徐即李蓋指居正承召也定復
過樓下其下有書曰此詩有江山雅趣無一點俗態必
非世儒拘於結習者所作且夫天地之大江山之奧豈
無人才而必推徐李是何孤人才蔑人類之甚耶定見
而大悔盡抹前批音

朴治川紹晉有詩曰無心每到多忘了着意還不自
然緊慢合宜功必至寔能除得妄中緣可知其深於學
問南敏吟一絕曰名利前頭路幾千却來江上有漁船
一心似水收吾內万事如雲只付天恬於榮利素位無
怨者亦可想也尚

鳴陽正賢孫蕭洙出荃喜文雅晉作詩曰小雨茅簷濕
新晴枕席涼水衣綠礎上庭草過牆長露浥花淨風
含黃葉香悠然午眠破林杪淡斜陽秋日詩曰白露團
林淨高風草木衰覆杯流竹葉汲井釃柔枝落日鴈橫
塞秋牕虫吐絲誰憐貧病客長詠楚人詞又曰空盤堆

鳥齒荒園長鷄腸水閣青奴冷
岩田腐婢香蕓苔侵礎
遍蓬艾繞窓長紫蘚葉帶回風響
紅蓼花含返照明溪
禽帶雨全身濕山柿經霜半臉紅

上句

曹南冥文章奇偉不凡如請看千石鍾非大叩無走万
古天王峯天鳴猶不鳴不徒其詩韵豪壯亦自負不淺
也又詩曰人之好正士好帛皮相似生前欲殺之死後
稱其美可誦憤涉世間情態而善形容之矣

象村集

金仙畢之詩稱為冠冕者案非誇也每誦其細雨僧縫
衲寒江客棹舟則未嘗不服其精細十年世事孤吟裡
八月秋容亂樹間則未嘗不服其爽朗風飄羅代盡雨

蹴佛天花則未晉不服其放遠也上音

李啓翁有鄉友求臘藥與曆書以詩荅之曰安閑為藥

餌閑落是春秋遠報山中客長從這裡求芝峯歎說

郊礪臨終作詩曰一日盡讀万卷書一日飲罷千鍾酒

高談伏羲以上事俗說生來不到口顏回三十稱亞聖

先生之壽何其久書畢而逝時年四十餘矣上音

痘瘡自國初以來未晉流入於宮禁之內至肅宗

九年癸亥冬十月玉休患痘不豫迄二旬乃瘳茲原

前所未有之慶也游齋李公玄錫不勝歡忭之忱乃作

聖痘歌曰疫氣釀瘡名曰痘醫言始自襄周後人生一

經不再染謹避終身時亦有大抵吉凶一大閑幾人能
免罹災咎閭里兒童幸得痊親懿為之賀父母九重宮
闕五雲遠靈官呵擁帟豹守世間邪沴不敢干蓋已三
百年来久一朝大患有斯疾分明天意識非偶甄教
疴瘵犯淳化應欲玉成我聖后綿正二旬視事傳內
局諸臣日奔走回天甘露萬金散一掃千瘡如洗垢寧
勞牲玉走群望未煩檀煇祈代某三宮喜氣瀾陰陽藹
二祥光濃似酒朝臣爭賀翌日瘳瘳情因思醫國手
催頒德音蠲租稅不待薰風民可阜殷羅忽見中面開
夜靜金吾閑械杵黃金圈子映双鬢第一醫官身姓柳

汝等豈知蒙神休紫綬謾舞青束肘土田臧獲恩寵
殊相國提調兩國舅清晨太庙告慶罷鼓舞黃童與白
叟千官拜稽玉墀下一声高祝頭三叩泰運新承天保
定諸福之祥此其首奏章從茲絕拘忌摘發何憂搜五
部小臣無路貢微誠猥止歌謠慙魯莽曾聞聖痘無乃
是和鵲餘論吾有受或謂痘字古無徵其說不經子何
取秦漢以來詞客多疾病呻吟摠詩發瘡鬼曾被昌黎
譴司命亦登楚歌九騷壇掃無詠痘篇入詩應遭詩眼
醜余輒斯言莞爾笑答云唯二而否三古者有喜必有
志此事不可拘常例戰場殘魂護唐宗猶且見錄於子

厚神君一語病良已太史書之也不魏況今痘有社稷
功固宜策名傳不朽我欲增編韵府玉更要廣播騷人
口刻即昔時不題饒一代詩豪嗟莫負沉吟遂作聖痘
歌唯願 君王万年壽所謂回天甘露萬金散者其時
上熱候大族金相國錫胄明於醫理以為非猪尾膏則
熱不可制 明聖王后禁止之金相國乃盛搯尾膏於
藥瓶外封題曰回天甘露萬金散以進之 上服之有
神效故也閩巷傳誦此詩至徹 筵席 上覽而嘉之

史臣書諸策

畢遠錄

平昌郡守李虞根詩曰閩東二十最殘城太守生涯冷

且清谷口荒田收黍稷山腰官閣蔽柴荆四民本乏工
商士一吏常無戶私兵暇日黃堂濃午睡此身忘却絆
簪纓可謂記言宜入採風

落山叢書

鍾城人朱震亮詩曰客道茂山好人皆側耳聽山參
可採水鯉堪烹白日貂登木黃昏鹿入城我言君莫
去此物禍之萌可謂格言

上同

永興人金旻女子適德源朴悌章在夫家寄父詩曰之
子于故家室宜思親一念自難持双城此去春糧地車
馬僕從孰借之又贈其夫曰臘月初三夜殘燈挑兩悲
及君多病日李白遠行時北路雲千里南天海一湄故

期不遠何必苦相思

上同

金高城盛遠妾詠梧桐詩曰爰此梧桐樹當軒納晚清
却愁中夜雨翻作斷腸聲

上同

南樂泉九萬陪吏金鼎泰往拜公於琵琶潭路中值雨
作詩曰蕭蕭寒雨裡孤客渡長川路滑人登此橋崩馬

踏田

上同

有人作幷轎詩曰開口却思開口害入頭方信出頭難

可謂涉世良規

上同

有人題沈貞直遙亭詩曰落葉藏秋壑斜陽映半山蓋
用賈秋壑王半山譏之而貞不悟

上同

李公後白按鄱嶺北盡袞田樊鄱邑賦入蠲除殆盡雄
富之邑遂為凋殘厥後守宰或鑿空地徵稅之民苦之
林白湖悌以詩諷而傷之曰蕙折霜風玉委塵一時清
德動簪紳可憐猶道終難徂相國醫民是病民上言

車五山父作從政圖詩曰無計能驅午睡酣展圖爭擲
喜難堪身無將相期移晷唾取功名在立談心上三思
存懋德膏中一念戒萌貪他年正色要如此堯舜君民
不大慚上言

襄陽洛山寺有滄海詩曰青三霧閣三千丈白三雲牕
万里天望三乘槎人不見不知何處泣樓船上言

高城初無樓觀五山父出宰明年春於衙後荆棘中得
一絕勝平其高而亭之西挹皆骨千峯在案東臨大海
板十里南壓南江數百步北望三十六峯車公作記又
作十絕瀼海作十詠而又跋之石峯大書其額即海山
亭也許草堂寄詩曰聞說新開第一區海山高揚嶺東
瞰天慳地秘森呈露詩興何人浩莫收金監司添慶題
曰今來始信難為水此外誰言更有山方寸容他如許
大茲行不在馬蹄間尹相斗壽詩曰三日湖中泛小舟
一區形勢水雲悠舊來重憶曾游處三十六峯無盡秋
南彥經詩曰秋月南江濶霜風北嶺高夢魂長繞處

荻吹蕭。黃允吉詩曰三十奇峯九十湖。四仙當日秘
名區。尋真斗覺差襟淨。身世還疑入西圖。鄴湖陰有南
江五石龜。峯三詩皆海山亭所見也。南江詩曰清游窮
浚浦。佳賞復南江。跋扈魚跳一。衝人鴈起雙。雲開天縱
岳。蓬缺日烘牕。晚酌成堪醉。羈愁又受降。五石詩曰夸
娥剗厠移山岳。雪真雲堆擲海中。席攬龍桴人偶在。未
忘叢石擅奇功。龜峯詩曰駟馳天畔少知音。感激登樓
動越吟。回首龜峯碧。雲合日過無事稀。関心上同
高城客舍五山父詩曰蓬萊風日隔空懷。瑤草琪花耐
雪寒。沙積三千銀。世界樓高十二曲。闌干照人碧海開。

金境敬客仙山戴石冠縹緲烟霞多煉永崑崙何狎有
駭舊滄海詩曰尋真誤入羽人寰白玉樓高倚廣寒
牕拓海天坐鏡面砌流星漢落江干主人曰識頌堯曆客
子新傳爰楚冠可憐謫仙霞鶴句銀鉤鐵索再回鸞肯
五山父宰高城卒立時別詩曰高城為郡久邑里太蕭
條西望山皆骨東臨海不潮丹砂招葛老烏鵲送王喬
桂笳吟詩處無無簿領囂上同

滄海為江陵府使題降仙亭曰降仙亭上望仙翁何處
舊筌倚碧空依葉崖頭斜日落白鷗疎雨海棠紅上同
閩西一邑有山曰姑母有水通海口滄海亭三登時詩

日姑射山前九曲川桃花深鎖武陵烟依二洞府無人
見何處漁舟落杳然上同

退溪南故松江送于江上詩曰安危去國日風雨出城
人難思如春草江南處二新又曰追至廣陵上仙舟已
杳冥春風無限思斜日獨登亭上同

滄海倖安寸時高山寮訪林悌謂滄海曰德山驛壁有
詩曰胡虜曾窺數十州將軍躍馬取封侯如今絕塞烟
生靜壯士閑眠古驛樓滄海笑曰此非武夫必高山手
也後崔孤竹慶昌改為當時躍馬取封侯上同

尹潔夢游一深洞白沙十餘里月色如畫有一鶚声問

其洞乃石門也作詩曰偶入石門洞吟詩孤夜行月午
硯沙白空山啼一鶚以此詩問五山父荅曰此乃鬼詩
也上音

張玉為南陽時有婢琴歌者五人王孫為沃川倅者與
之解追因鍾情不忍別請寬於張公公不許曰若得尹
進士潔詩吾當竟歲惜與沃川守以泚金紅花牋跪進
於尹曰願不彈揮手勞以解渴望亦風流好事也尹公
笑曰何必求他詩守曰高明詩名伏一世故張公必欲
得之尹乃令倅尹相自新持來成川西硯飾以朱匣金
錫裝之狼尾筆一柄溘海仙舟一笏遂書一律曰空鴨

香消罷蘭冶客散初燈寒小壁暗月上半簾踈吐舌皆
成妬申盟更怕妻即君情似妾何惜百兩磔無何守來
謝曰張使君得詩大喜遂令琴姬不笑尚

思菴領黃閣蘓翰林塘為左右相松江軸天坐東壁五
公皆壯元及第作契軸名曰政府龍頭會軸軸天作詩
曰潭二相府會龍頭盛事如今罕比侔爭道一時奎壁
煨却慚庸品則名流松江曰五學士為五杜頭聲名到
我不相侔祇應好事無分別等謂當時第一流尚
五山父詩曰渡江緣草迺乘興宿江城白月千峯照春
鵲啼夜鳴水村散夢罷山郭旅魂驚望帝春心託孤臣

再拜情南

金安老當國忌花潭名重心欲害之見其詩牕語迎風
延虛空得月多之句乃曰不過自修之士收心遂已南
滄海警句曰海啣天去盡山戴石來多自以為冠絕古
今然唐李頻已有野啣天去盡山戴漢來深之句又五
峯寺詩曰魚吞僧鉢飯龜度鶴巢雲又曰松高宜巢鶴
湫黑足藏龍綺語也南

谿谷見東溟詩曰域中王亦大天下儒為尊之句以為

可与李杜上下上同

仁弘子作寧星州有人粘無名詩於仁弘門扇曰千古

綱常輝遠筆百年宗社有瞻拳丞相欺秦當万死李由
何事又三川輝遠即鄭桐溪字仁弘見之驚曰吾不得
令從矣上同

世祖春日偶書一句於柱上曰綠羅剪作三春柳紅錦
裁成二月花翌日有一句足於下曰若使王孫爭此色
春光不在野人家上同左右不知有一直門卒伏地
曰死罪臣所書上同宦之上同

青郊驛逢黑牛上同侍臣賦詩以堂房為韵無一詩
可意只黑牧丹花到雪堂一句差勝一士有警句曰函
谷曉敝乘紫氣桃林春放踏紅房上同聞而歎美宦其

人上同

國初一詩人欲得秀句身短簾跨黃牛徃來天壽院沙
川日二撫鬚將近白日只得白鷗飛割青山腰一句政如
鍊光亭長城一面濬之水大野東頭點之山而止旨
平海望洋亭斗入海牧里朴樸亭蘭詩為絕唱飛亭絕
勝冠吾邦嶺外樓垣盡乞降陽谷浪翻掀出日漁帆風
急露危杆誰將夢釣鰲連六我欲追仙駕舉双千古雄
才慙木郭壯奇難賦海無江成叅判壽益詩曰行來千
里動徑旬看盡東隅眼更新不識杳然滄海外有何天
地有何人李相國俊民一絕曰生平大醉處平海望洋

亭羨子樂其間風塵無限情上同

杆城清澗亭題皆用双牕二字楊滄海詩曰碧海障紅
窺日半蒼蒼岩白烟鷗双金銀冶上發孤嘯天地浩然
開八牕車五山父詩曰疎雨自鷗飛而夕陽漁艇泛
双擬看暘谷金鳥出函閣東頭不設牕金添慶按察
時作詩曰可惜鴻門玉斗撞紛飛片不論双化成白
鳥群千百日出收二牕客牕又曰好景份二左右撞馬
頭紅粉亦双

蘓老天登落石岩賦詩吟一絕句竹林中忽有女鬼和
之蘓曰江流不得濯深窺鬼曰月上扶蘓顛暮樣蘓曰

岩花落盡春無跡鬼曰水鬼啼做淚有痕蘓曰繁華落
日孤僧去鬼曰往事斜橋一鳥喧蘓曰惆悵竹枝終夜
咽此後鬼仍不吟故蘓足成曰行人繫纜古城根

陽坡兒時叔父廣敬謂曰汝可謂狂童以狂童為題作
詩即對曰一家有狂童年將十一歲然獨八字好人皆
曰為相尹東山幼時姑夫蔡湖州令作詩即對曰雪落
千山白天高一月明湖州改以天空一月孤可為絕調
所改似不及本文之氣像

洪字定途中詩曰霜落江鄉客意悲西風吹送鴈差池
蹇駝吃草時顛石童僕行歌或誤歧野水夕陽群鴨得

表莊小雄一人宜每年是月常經過遠樹疎林箇
知安東士人金昌文詩曰唐吳事業日蕭條風雨乾坤夢
寂寞春到碧山花鳥語太平遺像未全銷

有人詠王昭君詩曰莫以丹青怨画師毛生為計不全
痴當時若在君王側漢室存亡未可知可謂發前人所
未發也又作山行詩曰山石槎牙細路斜隔溪籬落是
誰家可憐寂寂三山梨樹不為無人廢看花甚佳

李碧梧時發以贊畫使在黃州值清明日過澤堂踏青
屏徒步上松岡碧梧密問曰丘園內面氣色如何術士
言近日當有大愛公意如何澤堂笑曰吾不着烏帽屨

年今忽此行必有大變故碧梧笑曰君之烏帽恰似禹
鼎枕詩萬乃吾鄉清州人博於經書不能詩壬辰倭寇至
四佳贈孫七休舜孝詩曰可休之日休方好休不休時
休亦羞三句休并七休寢休今復更休

南承旨彦卿師事退溪與鄭松江會安叅議自裕家松
江詩曰君家有酒酸且醎酸味不同鄭季涵在國在家
俱不用木如故去卧江南公次曰人間師表安叅議天
下風流鄭季涵別有飄無定客不知名字但云南
壬辰金羅左水使李大源戰死損竹島割指出血解衣
書一絕付家僮使故蔡曰日暮轅門渡海來兵孤勢乏

此生衰老親恩義俱無報恨入愁雲結不開

曹孝昌字桂陽清隱即梅溪偉玄孫其外祖申大司成
敏一使賦梅字即應聲曰我弃故鄉千里來逢春倍憶
草堂梅草堂今日梅應好溪上何人得舉杯草堂即梅
溪旧居云耳

東西分黨時吏曹正郎尹淳柿不下浮謗作詩曰契屣
充天下清風有許由分中無弃物猶絮自家牛謗者愧
服

僧惠能詩曰講罷蓮經日已昏松風蘿月掩柴門幽居
自得幽居趣一境清閑夢不煩

中醒翁已已後出居東郊村舍聞杜鵑聲題詩曰欲死
復欲死空山夜二悲崩心烈士痛無乃爾先知又寓南
鄉云石晉勉公以經編寄武侯全書一秩因贈詩曰群
山抱海是南鄉双庙冤然義自長恹恹英風今掃地憑
君一起振東方

蓬川八歲始受書一日自言今日為曾子明日為顏子
又明日為孔子其父晚翁起南歎奇之遂授論語
庶孽防塞非古制在代言徐選倡之贊成姜希孟繼之
栗谷始發納米許通之論自是許赴文科而清要格而
不許蓬川為副學劄許要不許清宣廟晉教曰葵藿

傾陽不擇旁枝人臣願忠豈必正嫡可見大聖人之心
蘭雪軒金鳳花染指歌全取明人拂鏡火星流夜月西
眉紅雨過春山之句而点化之游仙詞中二篇即唐曹
唐詩也送宦人八道一律乃明人唐震詩其他樂府宮
詞多竊取古詩洪參說慶臣許陽陵稿乃其一家人而
常言蘭雪一二篇外皆是偽作白玉樓上標文亦許筠
李再萊所撰云

蘇谷李達槐南棊菴師古曰舊馭飄然若木津君平簾
下更何人床東弟子收遺章玉洞桃花萬樹春師古晉
從異人受秘訣云

林白湖梯入俗難山讀中庸八百遍詩曰道不遠人
二
遠道山非難俗二難山

潛谷金埴上致仕疏不得請有詩曰使三万戶足於良
官領敦寧我豈當願弃人間之事去清平江上濯滄浪
裴原处士尹喜元送人赴三陟詩曰樓橫北極知天近
山圻東溟得月先賦大風曰浪湧漸看水柱立谷翻还
似上萊河

李坡谷誠中荅西崖詩曰未論是西是東先看爾私爾
公君子周而不黨自然直在其中可見秉心之正
南市北以雄朝天時贈青齊舉人吳大贊詩曰水国寒

花晚樽前別恨新。悲歌將落日。俱是望鄉人。齊人極口
稱誦。交懸蓬萊閣。評曰。有唐境。

尚成安震。吾與子弟坐月。設酌微醺。令名賦詩。因吟一
絕句曰。誰謂月輪天上到。醉看盃底分明倒。杯傾月亦
入吾腸。表裡清光故更好。

郊湖陰朝天啟。途詩曰。擣椒剩有餘。辛在噉蔗應知晚。
味回言其行役之辛苦也。

國初有人作訓。子孫詩曰。家世無長物。惟傳至室藏。又
章為錦繡。德行是珪璋。今日相分付。他年莫散忘。好吏
廊廟用。世世益興昌。又曰。家傳清白無餘物。只有經書。

万卷存憑汝分將勤讀成立身行道使君尊因自註曰
君尊則國理國理則家安家安則身安身安則餘無所
求

有人作梳詩曰入用宜如首何曾在匣中足知位極人
臣

文宗時崔思齊朝天詩曰天地何壇界山川自異同居
毋謂采遠回首一帆風有朝覲不遠千里之意

陳燁以書狀使金詩曰西華已蕭索北塞尚昏蒙坐待

文明朝天東日欲紅以幕佐入朝稱北塞昏蒙非礼云

朴寅亮号小華至浙江風濤大起作詩吊子胥庙曰掛

眼東門憤未消碧江千古起波濤今人不識前賢志但
問潮頭幾尺高須臾風濤利涉

任尚書克忠黃驪江客樓詩日月黑鳥飛渚烟沉江自
波渾舟何處宿漢一聲歌其詩仰對景益高

金海黃山江崔致遠晉累石為塔名曰臨鏡塔題詩曰
烟岫簇水溶鏡裡人家對碧峯何處孤帆飽風去
瞥然飛鳥杳無蹤歲久塔懷後人移書於黃山樓

崔滋外祖題高城客樓詩曰閉牕惟海氣款枕亦濤聲
冠蓋曲仙迹江湖三日名格高意盡吳世文孫陽驛詩
曰有花村似重無柳驛名孤喬木日先照枯桑風自呼

高淡有味

吳世才北岳戰岩詩曰北嶺晚石傍人尋戰岩迴樵
乘鶴晉高刺上天威標柄雷為火洗鋒霜是監何當作
兵哭敗楚亦亡凡宋人見之歎曰我宋有如此作詩者
必爵之

崔祐桃源驛詩曰避秦三世家仍作桃源驛自言迎送
勞却勝長城役有諷諭意

金仁鏡立製題詩曰輅重駕馳短天高鶴惡長白衣幾
徑濯猶帶御爐香又園花紅錦繡宮柳碧絲綸喉舌干
般巧春鶯却勝人惡三有愛君之心

李元順奎報咏鶯詩曰公子王孫擁綺羅要憑嬌唱助
歡多東君亦學人間樂開了千花遣有歌金杜元華鼎
頌之曰古今鶯詠皆不及此

郊舍人知常新雪詩曰昨夜紛瑞雪新曉來鷓鴣賀
中宸輕風不動陰雲卷白玉花開萬樹春此詩和艷富
貴金翰林克己詩曰真嶺崑崙繞郭來橫空萬疊玉成
堆水仙向曉游何處江上銀屏遶迤邐李仁老詩曰暮
風吹雪弄纖纖夜久渾疑月滿簷須信書生清秀骨玉
虛空掛水晶簾金喻白李喻清

李仁老拾栗詩曰霜餘晚凜赤爛斑晚拾林間露未乾

喚起兒童開宿火燒殘玉轂並金丸巧琢清玩

李奎報咏蟬詩曰不敢傍古柳恐驚枝上蟬莫教移別
樹好聽一聲金李仁老詩曰飲風真自盡吸露亦至潔
何事起秋晨哀哀聲不絕

詩僧元湛曰今之士大夫作詩遠托異域人物地名以
為本朝事深可笑如李文順南游詩秋霜染盡吳中
樹暮雨昏來楚外山雅造語清遠吳楚非我也未若前
輩松京詩曰初行馬坂人烟動及過駝橋野意生言辭
甚的

權學士通題珍富驛詩曰古驛名珍富名珍富意何虛

堆山玉蒲柳拂路金多溪鯉跳紅錦村烟散碧羅眼前
双戶長銀縷鬢毛華

居寧人金蓋仁畜一狗一日出行狗隨之蓋仁睡道周
野燒將及狗濡身傍川來徃環繞草茅令絕火道氣盡
乃斃蓋仁醒見狗斃作歌寫哀起墳以葬植杖誌之杖
成樹因名其地為焚樹後人作詩曰人恥時為畜公然
負大恩主危身不死安足犬同論

國初正言文克謙切諫不從及武臣亂乘輿南遷時定
山縣維鳩驛新修公館請工施壁有画工朴姓画一白
衣者笠乘馬緣山路信嚮徠行物色凄然其童僕相攜

持轉行有廣社無衣子者宿此驛咨嗟良久曰此是諫
臣去國圖乃題詩曰壁上何人面此圖諫臣去國事幾
乎山僧一見尚惆悵何況當塗士大夫後有二客次曰
曲煥言前不早圖焦頭後悔可追乎何人面此諫臣去
蒲壁清風激懶夫又曰白衣黃帶諫臣圖是屈原乎微
子乎未正君非空去國不須毫底費工夫

尹掌令遇丁八歲里人會射長者舍遇丁綴句即對曰
當畫月暈不夜星馳衆皆奇之乃進士志述祖也

圃隱時有僧呈詩曰江南萬里野花發何處春風無好
山先生曰爾意極好恨今已晚

吳判書斗寅字陽谷隨大人天坡翻在海營會詔使程
龍來天坡迺勞黃州公隨之程公召之舍酌賦詩公援
筆立書曰有吳河南產東征報聖君由來程不識猶勝
李將軍程大驚歎

僧休靜少稱奇童學于泮翁屢試輒屈鬱不得意南
游頭流忽有出世志有詩曰汲水故來忽回首青山無
教白雲中遂落髮時年二十一聞午鷄聲題落葉曰髮
白心未白古人曾漏洩今聽一聲鷄丈夫能事畢壬辰
命授八道都摠攝糾駁義徒惟政起閩東處英起湖南
隨天兵克平懷有清靈集

有人生平不善偏黨賦一絕曰生憎歧路有東西雲與
同行鶴與棲乘興有時成大醉顏何處向人低
金時習題徐居正家太公釣魚圖詩曰風雨蕭蕭拂釣
磯渭川魚鳥渾忘機如何老作鷹揚將空使弟齊餓採
薇徐嘿然曰子之詩吾之罪業也

鄭壯元麟仁母夫人能詩題掛壁太公釣魚圖詩曰鶴
髮投竿客起然不世翁若非西伯櫟長伴往來鴻華使
見之沉吟曰似有女態

洪上舍裕孫南陽鄉吏也苦本邑侵役中生員後不赴
舉為方外士放浪自高題詩金剛山石崖曰身先檀帝

戊辰歲眼及箕王号為韓要與永郎游水府偶逢春酒
滯人間時人以為神仙所作後知洪所作云

蘓退休世讓罷居湖南尚相震以金襴芦鴈二簇求詠
有二絕曰楓落蘋香芦荻花疎翎隨意泛晴波塞天昨
夜風霜屬却愛江南有歲華又曰蕭蕭孤影暮江濤紅
蓼花殘兩岸陰謾向西風吟曰侶不知雲水万重深皆
自喻

容翁少時題一宰相家班竹障子詩曰浙瀝湘江岸蕭
蕭班竹林這句難画得當日二妃心當時皆歎服

崔良翁演哭 仁廟詩曰三年短制心輕漢五月居庐

私過滕之句林亨秀詩曰忍將今日淚重濕去年巾之
句言與中丞相繼賓天故時謂善作也順懷世子卒
朴思菴以輔德挽曰承華已作傷心地玉漏猶傳問寢
晨語甚哀切

趙龍門是兄晟以賢德稱晉有夢游三角山詩曰愛月
非為感貪山不害廉有詠梅詩曰一枝二枝高三点中
点白

尚相震晉有夢中作詩曰百尺高樓倚半天三行粉黛
列華筵前江一帶圍平野遶千岑露抹烟時有嬌鶯
穿翠柳更無輕燕占朱鈿未成一句而覺因足成之曰

樓居是非幕中客不用金屏在眼過氣量甚好

林石川尚氣不由循規矩其詩曰天垂大野蒼々大鳥
度虛牕点々明又詠張汝弼草書帖詩曰此老骨中百
恠蟠雄如壯士挽黃間晴虹貫月一堂畫政好林翁中
夜看

成夏山夢井詩云未曾留意而出其江亭詩曰爭占名
區漢水濱樓堦幾處向江新朱欄大抵多空寂携酒來
憑是至人有警世意

夏山侄縣令成孝元詩賦有名而竟未第晚守龍仁不
羈奇男子也嘗於樓院夢見所思有詩曰情裡佳人夢

裡逢相驚憔悴曰形容覺來身在高樓上風打長江月

隱峯

李希顏曹植以遺逸屢徵不召李前後三角曹贈以詩
曰山海亭中夢幾回黃江老漢雪盈腮半生三度朝天
去不見君王面目來山海曹亭号黃江指李蓋譏辭也
蘓翁謫居琚島詩曰天下之東國以南沃州山下數間
菴有雞赦罪難醫病為不忠臣不孝男客日三千五百
年行年乙亥丙辰慚汝廬守慎如無死報得公私底事
堪蓋謫居三千五百日也

乙卯湖南倭變昇平日久諸將多失律有題詩南州驛

壁曰長沙民若喪考妣知是韓公蘊政術仁不救欲食

光牧肉李希却走當裂水使贊身超資李尹潤真丈夫

遷賊過協乃詐監司奈何昧圖策防禦勤亦胡

嗜殺人元帥李浚錦城堅退坐節度趙安中路故後巡

有切達冲梁敏何處無意忠貞柳任康津弄城康義誠

洪宜先斬空鎮珍崔濟罪惟均食祿當時俱臨危此

日君見真德堅李是乞降何須責元績兵使不足填橫

行倭賊誰能敵邑里焚燒困生民賞罰不明公道滅憫

帳君雖虛無因未知何人所作而亦詩史也

魚無逆字潛夫以孽產拘國禁未第少時曉過僧寺見

山出雲即吟曰青山敬客至頭戴白雲冠時稱神詔

宣廟朝兵使金錫誓以承旨入內苑上以前繫白馬

為題詩曰白馬閑嘶繫柳條將軍無事鈿藏鞘國恩未

報身先老夢踏閑山雪未消

燕山表一宮姬頗傷情招李安分希輔作詩曰宮門深
鎖月黃昏十二鍾聲到夜分何處青山埋玉骨秋風落
葉不堪聞安分自此遭謗

儒生洪漢仁好遊山水曾於天磨山有詩曰朝上白雲
峯頂觀暮投峯下孤庵宿夜深僧定客無眠杜宇一聲
山月落後遊金剛貪賞深潭失足深死

士人李良國有氣自高不循繩墨送人金剛山詩曰十
年人送三年客八万峰高九万天。噴落扶桑波撼日吟
搖蔚島海生烟。

趙龍門昱晉至海州文獻書院諸生以尋院錄請題龍
門只題一絕曰客路柳二久未还天教看盡海西山不
須姓字留書院羸得狂名滿世間。

圃隱清心樓詩曰鞍馬東西底事成秋風汲二又南行驪
江一夜樓中宿卧聽漁歌長短声又曰烟雨空濛渺一
江樓中宿客夜開牕明朝上馬衝泥去回首滬波白鳥
返郊麟趾云古今題咏多不若圃隱詩間遠有味。

古事使臣赴京鴨江餞別時拾江過小石各分其半與
情人為驗故密翁戲成赴京使別妓詩與陽谷湖陰聯
句曰來去揔非情快馬長程紅袖輕辛苦鴨江
上石前行纔破又今行

趙相晚休師錫九歲時伯舅中樂全翔聖使賦喜雨即
對曰望雨不來雨來蒼生喜蒼生喜雨來我喜蒼生
喜氣像可見

洪沂川每夏以四十窮儒作詩曰乾坤縱大身奚適書
鈞無知鬢欲疎昇平曰此人必大做文谷甲寅後被譴
途中詩曰尚華山千丈危清光依日蒲郊畿東山曰

必能改做藥泉戊辰被謫與人留別詩曰問子何時東
訪我潯州欲定臆鯨期人亦知其改做鶴峯詠琉璃瓶
中五色魚詩曰壺裡乾坤一勺深從容猶得任浮沉傍
人莫處窮鱗視滿腹三湘七澤心李西堂德壽曰此詩
前塗雖亨但其心止於三湘七澤不及於海必難入相
後果入相未可知也

滿浦越邊有大墳相傳皇帝廟其下有天池荷花甚盛
開沈彥光詩曰完顏古國荒城在皇帝遺墳巨碣存
虜使穆克登來視白頭山界朝廷憂之命譯官知事金
指南及子慶門從價使往屬金應對不敏穆不敢爭立

碑定累而去因以拓我邊五百餘里金鼓敲山各御題其

上曰向時爭界慮從此自消磨

惟諫論賊僧普雨之罪有曰自称僧王且痛其所居房曰三
聖殿二者皆可誅之又聞朝夕供食時令其侍者祝曰主上
及下壽萬歲次及大主妃王太妃中宮諸祝曰王師普雨
壽千歲此則不載於各疏中豈未聞之歟自称僧王而列其
名於各殿其無君之罪案通於天有血氣者孰不欲揚其首
而食其肉乎時有居下位而慷慨疾惡者作詩曰華衣
錦褥已非僧祝壽王師況最憎效鈞舞來誅不得傍人
莫道我無能

海東樗說

郊相國弘溥晚年分得一詩云高蹄戰馬三千匹落日平原草木
間既覽示郊楊州景溥楊州笑曰得元為軍門提調乎翌日郊相
卒人皆異之試筆


李月沙挽車岳詩曰蛟螭鏐剝雖相雜江海清波孰敢當
蓋謂其過於滂沱而有駁雜之病也清永錄

西坡按兩東時朴監司紳為江陵府使爭休例不相下西坡啓罷之以
詩相嘲曰 声彭澤真仙境陶令寧羞拜長官可笑臨福老
太守等閑拋棄此江山朴公和曰叔夜元非堪作吏淵明本欲早
休官傍人莫道臨瀛勝何處春風好元山上同
西坡以過飲被謫及還拜樞管入直值九秋月明 肅廟召問鄉頗

思酒否對曰臣新飲惟久旱不能忘情上賜尊酒曰今夜許卿暢
飲西坡承所賦詩云三年銘肺我常存縱對黃花不對樽官醅
特宣西省月比舟醒醉憶君恩

清永錄





錄觀聽霞緯